

MULIULULI WA LUBASI



Ni itumezi, Muzwale Neville. Mulena aku fuyole. Ki hande hahulu fa kukuta hape, kakusasana cwana, ku kutela mwa ndu ya Mulena. Ni lumela kuli ne ku bulezwi, nako yeñwi kuli, “Ne ni tabile foo ha ba ni bulelela kuli, ‘Haluye mwa ndu ya Mulena.’”

Charlie, taha zwa kwa mulaho wa musumo wani, mi utahe kwanu u to unga sipula. Taha kwanu. Kezeli, kana kuna ni sipula kwa mulaho kwani, kokuñwi, se lu kona kuisiñiliketa? Ki se sibaka se siinzi *fa*, kalibe. Akutahe kwanu ona kwanu. Kwanu, Charlie, taha kwanu mi ina bukaufi ni Banks kwanu, kacwalo kuli usike wa yema. Nako kaufela yeo mushimani yani ha taha kuzwa kwa Kentucky, ha fita kwanu, wa yema kakusasana ni kakusasa. Mi lu ka mutisa kwanu.

² Ki se sibaka *fa*, kwa mafelelezo a sipula kwanu, sa mutu usili fela. [Muzwale Neville uli, “Kuna ni kalibe kwa mulaho kwanu, hape.”—Mu.] Kuna ni kalibe ya yemi kwa mulaho, kwa mulaho kwani. Aku tahe kwanu. Ki se sipula ona *fa*, kezeli, ona *fa* kaufi luli. Aku tahe kwapili. Mi Ni sepa kuli kuna ni yainzi mwa sipula sa mawili foo. Kikuli bateni? [Kezeli uli, “Muzwale Branham?”] Eeni. [“Kuna ni sipula ona *fa*.”] Kuna ni sipula sesiñwi ona *kwanu*. Haiba kuna ni ya bata silisiñwi, kwa mulaho kwani, ona *kwanu* kuna ni sipula ona *fa*. [Muzwale uli, “Mi ki se *fa* silisiñwi, Muzwale Branham.”] Ki se *fa* sesiñwi *fa*, hape, itikanyise ili wena. [“Sesiñwi, ona *fa*.”] Eeni. Mwakona kuba ni sesiñwi ona *fa*. Cwale, amutahe ona cwalo, amuine mwa lipula za mina. Mi muikutwe fela hande. . .

³ Lu bata kuli mube baba iketile halunze lu lika kutisa Linzwi la Mulena. Oh, kinto yende luli kuba mo.

⁴ Ha ni si ka bona Charlie *fa* katala. Kana uteni kwa mulaho kwani? Kihande, amu mutise kwanu. Mawi! Ni bile ni Charlie, kulo kwani, mazazi nyana a fitile, mi ha Ni koni kuya mufumbo kusina kuya kwa ndu ya hae ni kuca, kacwalo Ni ka mutisa kwa katala, kakusasana cwana. Zazi ni zazi ha taha kwanu, u yema kwa limota kwani, kufa mutu sipula. Kacwalo Na talima fande kakusasana cwana ni ku mu bona inza yemi fani, Na hupula kuli, “Nika—Nika mu tisa mwahali mo cwale.” Kihande, ki—ki bunde. Cwale lu kaba ni liñusa kakusasana cwana ka Muzwale Russell Cox. [Muzwale Branham ni kopano ba seha—Mu.] Ukai Nellie? Ni. . . Yani ikaba musipili o munde wa hae. Kakai? Eehe. Kona cwalo.

⁵ Kihande, Ni tabile hahulu ka kubona balikani babañata hahulu. Sunda yefelile foo hane Ni ile, Ne ni ikutwile bumaswe biki kaufela. Ne nina ni mulikani yomunde yainzi *fa*, ya zwelela

kwa Mboela kwani, Muzwale West. Mi Ne ni ile kwa ni kwa, mwahala sicaba, ka kuliyea. Se nili, “Ni tabile fa kubona wa *Kuli-ni-kuli* ni wa *Kuli-ni-kuli*,” mi Na talima fahalimwa Muzwale West, mi ne ni sika—sika mu lemuha kufitela ha kala kuzwela fande. Kipeto Na hupula kuli, biki kaufela, “Muzwale West uka nahana kuli Ha—Ha ni sika mu iseza ngana ka boomu.” Kono ki—ki Mukreste, kacwalo uziba hande kufita zeo. U ziba kuli Ni. . . mulikani wa niti. Mi Ni ziba kuli wa ziba, Hani koni kueza cwalo.

⁶ Ne ni sweli kunahana kakusasana cwana, hane ni taha, ku to bona sicaba sene si zwile kwa libaka zeshutana. Cwale, ki yo fa Muzwale West kwa mulaho kwanu hape, kakusasana cwana. Ni Muzwale ni Kezeli Kidd mo, kuzwa kwa Ohio. Mi babañwi ba. . .

Ni ziba kuli Muzwale Evans uteni mo. Ne ni ilo mu bona, maabani musihali, kwa motela, kono Ni sepa kuli nali kwande ni Muzwale Fred ni babañwi. Mi ba zwelela kwa Macon, Georgia, kwanu, la Sunda ni sunda le Ni bulelanga. Kuzwa kwa Macon, Georgia, ki musipili o mutelele hahulu kulo kwani. Ki limaili ze mianda ye ketalizoho ka zetalu, kamba kufitelela, Na sepa, kulo kwani. Ku ndilaiba ni lubasi lwa hae, zazi ni zazi ha Ni bulelanga. Mi sani ki sa likute.

⁷ Mi Ne ni—ne ni sweli kunahana, oh, konakuli, haiba una ni balikani baba cwalo, baba bata kuyema bukaufi ni wena! Cwale, si. . . sicaba sani ha si tahi kuzwa kwa Georgia, ni Ohio, ni libaka ze shutana za naha, kwa tabernakele nyana ye kwanu, ku to ni teezeza. Ba taha kwanu kakuli ba lumela Liñusa lani. Sani kona se ba lumela. Ba lumela Liñusa lani. Mi konakuli Ni ka ba cwani ya sepahala ni ka buniti ka Liñusa lani! Kakuli, isiñi—isiñi fela na kasibili, kana Ni ya ka mafosisa, kono Ni zamaisa mutu usili ka mafosisa. Mwabona? Mi konakuli Mulimu uka ni fa mulatu ka mafosisa a bona, kakuli Ki na yana li lutile. Mwabona?

⁸ Mi Na ku bulelela, luli li ka kueza kunahana kutunga foo ha uya kwa kunahana manzwi a cwalo. Kacwalo Na—Na itumela ku mañi ni mañi wa mina, hande ka kuziba kuli mwakona ku ndilaiba mianda anda ya limaili yeo, ka linzila zetata ni mwa linzila zetelele ze, mo kuna ni likozi ni lika zeñwi. Tumelo ya mina ku Mulimu ya mishelisa ku zona, fokuñwi, ku mi tisa kwanu ni ku mi kutisa. Lu tabile hahulu ka kuba ni balikani ba mufuta woo. Ni lapela limbuyoti ze fumile za Mulimu fahalimwa mina.

⁹ Cwale, Sunda yefelile, Na—Na li, “Kihande, lu ka bulela, mi Ni ka biza fela mukoloko wa tapelo.” Ni bile ni lika kubeleka ka nzila yeñwi, kulika kufumana nzila ya ku lapelela batu babañata. Mi haiba Ni ka fitelela zeñata sina la Sunda yefelile, Ni. . . yomuñwi uka ni lapelela. Ne ni zwile mo, bukaufi ni tuu kiloko. Mi Ne—Ne ni si ka fa makadi a litapelo.

¹⁰ Kufa makadi a litapelo ki musebezi wo tata. Hani zibi kamba mwa ziba cwalo, kamba nee, sicaba sa ku toya. Mi Muzwale Banks Wood, ali, zazi leliñwi, fani hane luli kwani kwa Kentucky, kuli na ka itombola ni kufa makadi a litapelo haiba Billy na si ka taha kwateni. Kacwalo Billy, kakuba mwana ka wa mushimani, mwa ziba, kiñi, bona. . . Ni banga ni mañolo nyana, “Na ni sepisize kadi ya tapelo mi na si ka nifa yona. Peba yenyinyani!” Kacwalo bona. . . Hakoni kuafa ku mutu kaufela. Mi halukoni kuba ni babañata hahulu mwa mukoloko! Mwabona? Una ni ku ni sileleza.

¹¹ Mi—mi foo ha lu funduka, mukwenyana ka wa musali ali, “Bill, ukaba ni kunga Billy kwa mulaho kwani ni makadi a litapelo, kamba,” ali, “hamuna kunga nako yetelele.”

¹² Mi, kacwalo, kono ko Ni ezize mafosisa, ne li kukalisa temuho, kipeto kona kutaha yomuñwi a kuta, uli, “Ni libezi, boma ne ba bata ku lapelelwa.” Mwa ziba ze ba kutela, ki za temuho yani, mwa bona. Kacwalo, kono, ha Ni ba nyazi. Ne ni ka eza nto yeswana. Mwabona? Ne ni ka eza cwalo. . . Luna lu batu, mi kaufela lubata kupila, mi lubata kuziba sa kuezsa. Seo kona se luli sona. . . Kono mukona fela kufita fa lika zeo, mina, ka mpo, mi kipeto mwendi se mu felile fela, foo zeo ha li ezahala linako zeñaka.

¹³ Mi kacwalo Muzwale Banks na ka fa makadi a litapelo kakusasana cwana, mi Billy na tile maabani busihu. Kacwalo Na hupula kuli sani ne si kaba se si maswe, kuba ni muuna yana ni libubo lelinde, lika inge Muzwale Wood, kufa makadi a litapelo, kuisa sicaba ku yena. Ni sepa kuli Billy ha bilaeli. Ubile ni zona fa nako yetelele hahulu, kacwalo u li tuhela fela kuzwelapili. Ku lukile.

¹⁴ Cwale—cwale sunda yetaha ye Ni lukela kuba kwa Dallas, busihu bwa la Bufaifi lelitatama, kwa mukopano wa Linzwi la Foliso. Haiba kuna ni sicaba kwani, Ni lukela kuba kwani busihu bulibuñwi bwani, kuli ni ambole kwa mukopano wa bona. Mi Ni bata kuambola fa tuto ya kuli *Kuatumela Kwa Kopano*, haiba Mulena alata.

¹⁵ Mi kipeto, hakulata, mwendi la Sunda yetaha, ikaba la Sunda yetaha ye, haiba Mulena alata. Cwale ha Ni zibi hande. Haiba Mulena alata, Ni bata kukuta ni kuto ambola fa tuto yene Ni lukela ku ambola kayona kacenu, *Moya Mwa Kakundukundu*. Mi Ne ni ka lapelela bakuli, kacenu. Mi zeo ki mufuta wa ku kalimela hahulu kwa—kwa keleke ka libi za yona. Mi—mi yani ha ki tuto yende ya kubulela fateni foo ha mu ka biza mukoloko wa litapelo. Mu lukela kuyaha tumelo ya sicaba kwa. . . tapelo, ni ku Mulimu, ni kuba ni tumelo. Kacwalo Na bulelela Muzwale Neville kuli a zibahalise kuli Ni ka ambola kakusasana cwana fa tuto yeñwi, kuyaha tumelo mwa sicaba, ku Mulimu. Manzwi amañwi, ku kalimela sicaba ka—ka ku sa buluka litaelo za

Mulimu. Ka nzila ye, ki kuyaha sicaba kafa ni kafa, kuba ni tumelo ku Mulimu. Mwa bona?

¹⁶ Mi kwa mulaho mwa muzuzu wa litapelo kakusasana cwana, kamba mwa muzuzu wa ku rekodela kwa mulaho kwani, mulikana ka wa kale, Muzwale Kidd, wa lilimo ze eite zeñwi cwalo, eite ya kupepwa, yaliteni mo. Buñata bwa mina mwa hupula foo hane Ni matela ku yena kakusasana omuñwi, na li—na li mwendi. . .mwendi seli mwaha ofelile, bukaufi ni ona cwale. Kushwa, ka kusabisa luli mwa kukula, mi madokota ba mufa sunda iliñwi ya kupila. Kamba, isiñi sunda, neba. . . Na sa pili kufitela kakusasana ku mutisa kwanu, mwendi ka linako za kakusasana zetalu kwahule. Mi cwale na sa fitile fa mwanda ni ze ketalizoho, kamba nto yeñwi ye cwalo. Ki hali, nako nyana yefitile, ukutezi fa handeleti ni seti-tuu. Ali na ikutwa inge mushimani.

¹⁷ Muzwale Kidd, Ha ni zibi haiba ne uka yema fela, kacwalo kuli batu ba zibe kuli kimañi mukutazi wa kale yo. Ki yani fani. Ha lu buleleñi kuli, “Ni itumela ku Mulena.” [Kopano ili, “Ni itumela ku Mulena!”—Mu.] Muuna ya shwa ni kansa, mwa—mwa buino bwani. Una ni mulikani yomunde yomunyinyani luli kwani. Ni tabela kuli kambe na ka yema, ni yena. Na fela. . . Kezeli Kidd, kucwani he mwendi ne u ka yema foo? Cwale, yena. . .Mwabona kapili mwa kona ku nanuhela? Kihande kufita mo Ni konela. Mulimu afuyole Muzwale ni Kezeli Kidd. Mi limbuyoti za bufumu bwa Mulimu liine fahalimu. . .Ni itumezi, kezeli.

¹⁸ Ba ikataza mwa malundu a Kentucky, kafa ni kafa mwa linzila za simu ya mashala, ku felelwa, ku lelekiwa, ni kuboniwa bukuba, kunyandiswa, bapila ka mo ba konela kaufela. Basita mbonyi yene ba fumana mwa nzila, kokuñwi, ni kupilela ka Mubuso wa Mulimu. Mi myaha ye eite ya kupepwa, kukutaza Evangeli, niteni. Cwale, ba supezi hahulu kuli bazwele kwande, kacwalo Ni lapelela masila a litapelo ni ku a luma ku bona, mi bona ba—ba tundamena fela ku a isa kwa lipatela ni lika ze cwalo. Batu ba taha ku to ba nga. Cwale, zeo luli li mwa pilu. Nji cwani? [Kopano ili, “Ameni.”—Mu.] Haiba ha u koni kuzwela kwande ku yo ba katanyeza, wakona ku ba lumela masila a litapelo, sina cwalo, sicaba baba ni tumelo. Zeo ki zende luli.

¹⁹ Muzwale Rogers uteni, niyena, kokuñwi mwahali mo kacenu, mukenyana Muzwale Creech wa muuna, ki mulikana ka ya latwa luli. Kuya kwa ndu ya hae inge fela mo Ni yela ku Charlie ni Nellie ni babañwi kulo kwani cwale, ni kwani kwa Kentucky. Mi—mi ne lu yanga kwani ku yo zuma, nako kaufela, ni yena. Mi kwanu, ha ki kale hahulu, mwendi likweli ze lishumi ka ze taalu kwa mulaho, dokota a mu pazula. “Una ni kansa, mi,” ali, “u ile.”

²⁰ Mi Na hupula kuli, “Mulikana ka yomunde wa kale!” Muika, Ndwa Yapili ya Lifasi, muuna sakata, lubasi lwa hae. Mi Na mu

kolobeza ka Libizo la Jesu Kreste, myaha yemiñata kwa mulaho, kwa swalelo ya libi za hae, ka kuziba nako yeo kuli na beilwe mwa Mubili wa Kreste, mi na itukisize ku yo katanyeza Mulimu. Na hupula kuli, “Muzwale waka yomunde uka zwelapili cwale.” Neli kasamulaho fela wa pono yani, kamba pono yani isika taha kale kuna, ka za Lihalimu. Mi kipeto Na ya ku yo mu bona, mi mwa muzuzu kwa taha nambwamutalati. Mulimu na cincize lika. Zeo seli bile likweli ze lishumi ka ze taalu kwa mulaho, mi usali mo kacenu, inza ca.

21 U nwa mufuta omuñwi, unwa mapilusi a mufuta wa sulufura cwalo, wa yo mucisa fa mumizo fa. Mi ukaba mwa mukoloko wa litapelo, Na sepa, kakusasana cwana, mutahe. Mi Ni ziba kuli Ni zibahalisa cwalo kasamulaho Billy amano fa, kamba kuya kwa ku fa, na ziba kuli neba kafa makadi a litapelo. Ne ni bulelezi mukwenyana hae wa mushimani, mulikana ka yomunde, Muzwale Creech, kuli amu—mu tise. Mi Na hupula kuli, haiba Ni mu tondile, konakuli Ni ka mukwacisa ni ku mubeya ku iliñwi ya mizuzu ya litapelo kwanu. Kono nana ni kadi ya tapelo. Mi se Nili, “Busty, Ni bata kuli uye kwani.” Libizo la hae ki Everett. Lu mu biza fela kuli Busty, ka bukuswani. Mi yena—yena. . . Na mu bulelela kuli, “Zamaya uzwele pili ukene mwa mukoloko wa litapelo. Ni tabela ku ku lapelela foo tozo hainze i zwelapili, ka seo.” Kacwalo Ni tabela kuba ni. . . Haiba Ni ziba kuli Ne ni sweli ku lapelelwa, Ni bata kuli yomuñwi utozizwe foo ha ni lapelela.

22 Cwale ha lu apuleñi mwa Bibebe yaluna, kakusasana cwana, lu apule mwa Buka ya Ruti. Ni ka bala Liñolo leliñwi kuzwa ku ye, kuzwa mwa Buka ya Ruti. Mi cwale lusika atumela kale tuto ye. . . Haiba Ni tabela, Ni tabela ku zibahalisa tuto yaka kakusasana cwana, ye bizwa kuli: *Muliululi Wa Lubasi*. Mi Ni tabela ku italima ka mayemo amane a shutana, fa puluso.

23 Ka ku nahana, Sunda yefelile, nasweli kukutaza ka mwa na tezi Kreste ku to lu liulula. Mi konakuli, kacenu, Ni bata ku ambola fa: Muliululi ki sikamañi? U ba cwani Muliululi? Mi, muhupule, Muliululi u mi liulula ka kutala, foo Ha mi liulula, kuzwa kwa libi za mina, kuzwa kwa matuku a mina, kuzwa kwa lika kaufela ze fosahalile. Yena ki Muliululi.

24 Cwale, lusika atumela kale fateni, ha lu inamiseñi litho zaluna ni ku ambola ku Yena, ka tapelo. Mi cwale ni litho za luna ze inami, Hani zibi kuli ki babakai kakusasana cwana, fa Fapila, baba tabela ku hupulwa mwa tapelo, ka kunanula mazoho a mina ni kubulela kuli, “Mulimu, mwabona. . . wa ziba kupo yaka”? Mulimu ami fuyole, mañi ni mañi.

25 Ndata luna yakwa Lihalimu, Ni tabile hahulu, kacenu, kuli kuna ni Mata amatuna a Pahami, ka kuziba kuli, Mulimu, kuli lwakona kuatumela ka Mwana Hae, Kreste Jesu, ni kuba ni—ni kalabo ku se lu kupa. Sina mwa mukopano ofitile, ne lu ambola

ka mo batu ne ba yambaezi mwa matalo a lingu ni lipuli, mi nebali bayambaeli, kulibelela Munzi o muyahi ni mupi wa ona neli Mulimu. Ka kuziba haiba kuli neba ka Mu atumela hañwi, haiba ne ba ka fumana kwa Na inzi! Sina Jobo wa kale hana ize, “Kambe Ne ni kaya, kuyo ngongota fa sikwalo sa Hae,” ka manzwi amañwi. “Kambe Ne ni ka fumana kwa Na—Na pila, Ne ni kaya kwa Lapa ni Yena, mi neni—neni ka ambola ni Yena, pata ni pata.” Kono nekusina mukwa wa kuli mutu aeze cwalo, kakuli na ezize sibi, mi na ikauhanyize ili yena ni kuba bazwahule ku Mulimu.

²⁶ Kono ki ka Yena yomunde Yani yana tile ku to kwalula nzila, ni kuswalela libi za luna, ni ku lutisa fapila Mulimu, isiñi ka kuba bazwahule, kono sina bana ha ba taha ku Ndata bona. Ka kuziba kuli Uka lufa kupo kaufela ye lu kupa. Ki mulao ulimuñwi fela o tomilwe, fo ki kuli, “Haiba ukona kulumela.” Yeo kona tumelelano. Satani uipapata kuli haluna kulumela, mi Mulimu uli lu ka lumela. Cwale ndwa ya kolota, mi buiketelo ki bwa luna kuezwa. Nzila ifi kaufela ya buiketelo bwa luna lueza, kona mo ku kabeli. Mi ku ñozwi hande luli, “Lika kaufela za konahala ku baba lumela.”

²⁷ Mi lwa lumela, kacenu, lwa taha, lu atumela Wena ka sishemo sa Bumulimu, lu kupa kuli U kuteke likupo za luna. Mi lizoho kaufela lene li nanuhile, Mwa ziba mwatasa lizoho lani, mwa lipilu za bona, sene si talusa. Kakuli ku ñozwi, kuli, “Wa ziba milelo ni mihupilo ya mwa minahano, mi wa kona kulemuha minahano.” Mi lwa lapela, Mulimu, kuli U alabe kuya ka bufumu bwa Hao ni sishemo sa Hao, kwa kupo kaufela yene bulezwi.

²⁸ Lu kupa hape kacenu, Mulena, kuli U ni tuse, ya tokwahala hahulu, mwendi, mwahala sicaba; ka kuziba kuli, kubeiwa fapila ka fa, ki teko ya Mali a Mulena Jesu. Kuna ni, hakulata, baezalibi babainzi mo, baba tamilwe hahulu ni sibi, kuli kuba tata ku bona, haku konahali, mane, kuli ba fite kwa sibaka sa kuamuhela Krete, haibile fela Satani u ba tamile ka mata a hae. Kono ka kuziba kuli ku ñozwi kuli, “Ka Libizo la Ka ba ka leleka madiabulosi.”

²⁹ Mi lufe mata kacenu, Mulena, ka kukutaza kwa Linzwi, ku leleka diabulosi kaufela wa ku kakanya ni ku saba, kuzwa mwa lipilu za sicaba ni mwa minahano. Kuli bona baba tamilwe ka kufilikana ni ku kakanya ba kone ku tiswa mwa mazoho a Krete. Mi hape ku ñozwi, kuli, “Ba ka beya mazoho a bona fa bakuli mi bao ba ka foliswa.” Kuna ni babali mo Bakreste, mi ba tamilwe ki madimona a matuku.

³⁰ Mulena, ni fe mata kacenu, a Moya o Kenile, ku yo lamulela bakuli kaufela ni mutu ya zielehile yaliteni mwa muyaho mo kacenu, kuli Moya o Kenile omutuna ukone kuba ni puso mwa pilu ifi ni ifi kaufela ni mañi ni mañi yali Fapila Bumulimu.

Bulela ku luna ka Linzwi la Hao. Linzwi la Hao kona Niti. Ni sa zibi fela sa kubulela, kono ki kulibelela fela fa bueteleli bwa Moya o Kenile, kuli Akone ku lu zamaisa ni ku lu etelela mwa Niti kaufela. Lumeleza cwalo, Mulena. Amuhela kanya ku Wena. Mi toza mutanga Hao. Mi Linzwi la Hao li tozizwe kale. Lu ka Kufa milumbeko, sina ha U nze uli isa kwa pilu kaufela, kuya ka mo lutokwela. Ka Libizo la Jesu Krete, lwa kupa, Mwana Mulimu. Amen.

³¹ Ni si ka bala kale, Ni kona kubulela pulelo nyana ye Ni tabela hahulu:

Haiba muna ni linuka ze mu sa koni kusila,
Mi muna ni malundu ye musakoni kufita ku
ona,
Muhupule fela, Mulimu mwa Lihalimu u
zibahala mwa lika zeñwi babañwi habakoni
kueza.

³² Ni bala mwa Buka ya Ruti, kauhanyo ya 1.

Cwale ne ku ezahalile kuli mwa mazazi fani baatuli ha ne ba busa, nekuna ni tala mwa naha. Mi muuna yo muñwi wa mwa Betelehema-juda a nanuha ayo pila mwa naha ya Moabi, yena, ni musala hae, ni bana ba hae bababeli ba bashimani.

Mi libizo la muuna yo ki Elimeleki, mi... musala hae ki Naomi, ... mabizo a bana ba hae... babashimani ki bo Mahaloni ni Kilioni, ne li ba mwa Efrata wa Betelehema-juda. Mi ha ba fita mwa naha ya Moabi, mi ba yahелеla mwateni.

Mi Elimeleki, muuna a Naomi a tokwahala; ... mi kwa siyala musali, ni bana ba hae bababeli babashimani.

Mi ba nyala basali ba mushobo wa Mamoabi; libizo la ... yomuñwi neli Olipa, ... libizo la wa bubeli ki Ruti: mi ba pila kwani mwendi ka myaha ye lishumi.

... Mahaloni ni Kilioni ba tokwahala mwa bubeli bwa bona; mi kwa siyala musali yo ya shwezwi ... musali a siyala ni bana bababeli ni muuna hae.

Mi a zuha ni bana ba hae ba basizana mwa mulao, kuli akone kukuta kuzwa mwa naha ya Moabi: kakuli na ... utwile mwa ... na utwile kuli MULENA na potezi sicaba sa hae ka kubafa lico.

Mi kuzwa fo atuta mwa naha ya na pila, mi makwena hae bababeli baya ni yena; mi ba funduka ka nzila ye ya ku kutela kwa naha ya Juda.

Mi Naomi ki ha ali kwa makwenyana hae ba basali babeli, A mu zamaye, mu kutele mwa mandu ya boma mina bubeli bwa mina: mi MULENA a mi eze ka sishemo,

sina mo mu ezelize ba ba tokwahalile, ni mo mu ni ezelize.

Mi MULENA ami lumeleze kuli mufumane ku katuluha, yomuñwi ni yomuñwi wa mina mwa ndu ya muuna hae. Kipeto kiha ba tubeta; mi ba nanula manzwi a bona, ni kulila.

Mi ba li ku yena, Kaniti lu ka kuta ni wena kwa sicaba sa henu.

Mi Naomi ali, Amu kute, bana baka ba basizana: kiñi ha mu kaya nina? kana ku sa na ni bana ba bashimani mwa mba ya ka, kuli ba . . . be . . . bo muuna mina?

Amu kute, bana baka ba basizana, mu ikele; kakuli Ni supezi hahulu kuli ni be ni muuna. Haiba Ni lukela kubulela kuli, Ni na ni sepo, haiba Ni lukela kuba ni muuna hape busihu boo, mi hape ni lukela kupepa bana ba bashimani;

Kana mu ka ba libelela kufitela ba hula? kikuli mu ka ina kufitela bona . . . kuli babe . . . kuli ba mi nyale? batili, bana baka ba basizana; kakuli li ni filikanyize hahulu bakeñisa mina kuli lizoho la MULENA li ni lwanise.

Mi ba tumusa kwa manzwi abona, ni kulila hape: mi Olipa a tubeta mukwenya hae; kono Ruti a mu kakatela.

Mi musali ali, Bona, mwanahenu u kutezi kwa sicaba sa habo, ni kwa milimu ya habo: latelela mwanahenu kwa ile.

Mi Ruti ali, U si ke wa ni pihelela kuli ni ku siye, kamba kuli ni tuhele ku ku latelela: kakuli ko ka ya, Ni ka ya; mi ko ka ina, Ni ka ina: sicaba sa hao ikaba sicaba sa ka, . . . Mulimu wa hao i be yena Mulimu wa ka:

Ko ka shwela, Ni ka shwa, mi Ni ka pumbekwa: MULENA a eze cwani ni cwani ku na, mi mane hape, hakuna se si ka ni kauhanya ku wena konji lifu . . . ni ni wena.

³³ Ni bata ku biza likande nyana le kakusasana cwana, sina ha Ni li luta, kulika kutisa tumelo ku mina, ya kuliululwa, ni seo sili sona, ni mwa ku i amuhelela. Ni bata ku li biza kuli: *Muliululi Wa Lubasi.*

³⁴ Cwale, ku *liulula* sika kaufela, ki ku “si kutisa.” Sika se si latehile, inge kubeya mwa sintolo se si lekisa libapaliso. Mi uye kwani u yo liulula sani, si lilululwa ka teko. Kipeto ki sibyana sa hao, ha se u si liuluzi. Kono mulao wa puluso, mwa Isilaele, ne ina ni kuba wa lubasi, kuli a liulule libyana kamba nto yeñwi ye latehile.

35 Likande la luna la kala ka nako ya bazamaishi ba Isilaele, bene bali baatuli, kasamulaho wa lifu la Joshua. Ni kufumana siswaniso sesinde luli sa se, mubale mwendi likauhanyo ze ketalizoho kamba ze silezi za Samuele Wapili, mi muka—muka fumana likande la niti ka zona.

36 Kono luka tula cwale kuli lufumane taba yetuna kuzwa ku ze. Ili, nako yeñwi kwa mulaho, Ne ni kalile mwa Buka ye ya Rutu, mi neli ka lisunda zetalu kamba zene, kuli nifite ku yona. Ne lu kalezi ka Buka ya Sinulo, hañwi, ni kunga mwaha kaufela, mwendi, kufituluka ku Yona. Liñolo lifi kaufela lelinyinyani li tamahana ni leliñwi, kakutala, mwahala Bibeke kaufela. Kinto yende. Kabakaleo, lu ziba kuli Bibeke i susumelizwe. Kakuli, kuya ka lipalo ni mikwa kaufela, hakuna libuka zeñwi ze ñozwi kuli le li sike ku ikananisa ili lona kokuñwi.

37 Buka ye ne i ñozwi myaha ye likiti zene mwahala yona, Libuka za Bibeke. Mi ne li ñozwi ki babañwi. . . Ni libezi fela kuli neli baana babakai bene ba li ñozi. Ne ni hupuzi cwalo. Kono, mu Ni swalele. Ni bata kubulela sikisite bukana cwalo, kono Na—Na—Na. . . Na kona kufosa foo. [Muzwale uli, “Fote.”—Ed.] Mashumi amane. Baana mashumi amane kona bene ba ñozi Bibeke, mwahala myaha ye likiti kiti fahali, kusina kuzibana mwahala mañi ni mañi, kamba kubonana mañi ni mañi, kamba kubala kasamulaho wa yeñwi ni yeñwi, linako zeñata. Mi hakuna nihaiba linzwi liliñwi le li kananisana ni leliñwi. Li susumelizwe!

38 Cwale, batu babañata ba talima fa Buka ye ya Rutu, inge ha ba bulela kuli, “Ki likande la lilato la Bibeke.” Bibeke ki likande la lilato. Bibeke kaufela ki likande la lilato.

39 Isiñi fela kuli Ki likande la lilato, kono Ki mupolofita. Isiñi fela kuli Ki mupolofita, kono hape Ki likande za litaba za kale. Isiñi fela kuli Ki—ki likande la lilato, litaba za kale, ki mupolofita, Ki Mulimu Kasibili. Kakuli, “Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu.” Kacwalo, Linzwi ki Mulimu mwa muñolo. Zeo li lukela ku kondisa lika, muzwale; Mulimu mwa muñolo. Jehova, na ñozwi mwa Buka. Mi hakuna ni yeñwi ya zona yeli mufuta fela wa likande la buhata, kono kaufela zona ki Niti. Kalulo ifi kaufela ya Yona, paheka moyo wa hao. Ki Yeo foo. Ki Niti, mi Mulimu uka yemela Linzwi la Hae.

40 Mi likande le ne li ñozwi, ni mapampili a kale kaufela. Foo hane ba ketulula Bibeke, baana baba kenile, foo hane balika ku li beya hamoho mwa Testamente ya Kale, yona Buka ya Rutu ye neli iliñwi ya Libuka zeipitezi ze ne ba amuhezi. Kiñi? Haiba ki likande fela la lilato, ki kabakalañi bañoli ni baituti ba kale hane ba ka amuhela Buka ye kuba ye susumelizwe? Kakuli, kuna ni sinulo ye patilwe ku Yona. Mi mwa sinulo ye patilwe ye, mu swale taluso ya niti. Li ka mi tisa bukaufi luli ku Mulimu.

⁴¹ Mi Na lapela, moyo waka kaufela, kakusasana cwana, kuli Mulimu aswale pilu kaufela, ka kungangamana cwalo, kufitela Aka ipatulula Iliyena, kuba fela Sali sona, mwa likande le; seo Ali sona ku wena; mwa ku Mu amuhelela. Mi foo ha se mu liboni, kinto yebunolo hahulu, u ka komoka kuli ufitle cwani fahalmiwa yona. Kono likona fela kupatululwa ka Moya o Kenile.

⁴² Cwale, babañata, ba bala Bibe, ba I bala, ba yema fela ni kubala likepe, ni kubala likepe. Hamuna ku I utwisisa. Kakuli, I mwa linguli. Mi Jesu a itumela ku Mulimu ka ku I eza sina cwalo. Ali, “U Li patezi meto a ba babutali ni ba ngana, mi uka Li patululela kwa limbututu zekona kuituta.”

⁴³ Sina ha Ni bile ni bulelanga hañata, Musala bo. Branham ya inzi kwa mulaho kwani kakusasana cwana, kono foo ha Ni inzi kwa buse bwa mawate, u ka ni ñolela liñolo, uka bulela kuli, “Mulatiwa Bill, Ni inzi kwanu, busihu boo, ni banana. Na ku nahana.” Mi uzwelapili kuñola za ka eza. Kono Na—Na mu lata, mi Na mu ziba hande luli, Na kona kubala mwahala mibamba. Na ziba hande za bulela, mwabona, kamba wa ñolanga kwanu kamba nee. Mwabona? Kakuli, Na ziba za bulela. Kiñi hakuli cwalo? Yeo ki tamahano ye sutelezi. Lu balibañwi. Mwabona? Mi wa ziba sibupeho saka, Na ziba sa hae. Ha zibi. . .

⁴⁴ Wakona fela kuina ni ku ni talimela. Na kona ku mi bulelela sa ka bulela, mwabona, kakuli Na—Na mu ziba hande cwalo. Mi wa kona ku eza ku na ka nzila yeswana. Cwale, sani si eza sikamañi, ki sepo ku yomuñwi ni yomuñwi. Lilato!

⁴⁵ Maabani kakusasana, ne lu lobezi mwa mumbeta ka kuliyea nyana, mi banana ne ba sa lukeli kuya kwa sikolo, mi ne lu bulezi mwendi lika ze shutana. Mi cwani. . . “Sitoyo neli sikamañi?”

⁴⁶ Se nili, “Sitoyo ne sina ni makalelo, kacwalo sina ni kuba ni mafelelezo. Lilato ne li sina makalelo, kacwalo halina mafelelezo. Sitoyo ki kamita. Lilato ki la Kuyakuile. Sitoyo sa kalisa mi sitoyo si ka fela. Lilato ne li si ka kalisa mi Halina kufela.” Mwabona? Neli la Kuyakuile.

⁴⁷ Mi foo muuna ha lata musali ni ku munyala kakuli ki yomunde fela, ku kaba mafelelezo ku zeo. Kono foo muuna ha fumana musali ya lata, ha zibi libaka, kono wa mu lata, mi u fumana muuna ya lata, hakuna taba kamba u bonahala cwani, wa mu lata, wa mu lata, yani ki mulikana Kuyakuile mwa Kanya. Ba ka . . . Lifu kamba hakuna se si kona ku ba kauhanya, kakuli ba zwelela kwa Kuyakuile, mi ba zwela kwande mwa nako ye tomilwe, mi ba ka kutela kwa Kuyakuile. Kuyakuile i wezi mwa mubili o bizwa nako, kipeto i kutela hape mwa Kuyakuile hape, haikoni kusinyeha.

⁴⁸ Musali yali yomunde, bunde boo bu ka fela, ki ka niti fela, mu bufe fela lilimo zelikani. Mwendi kacenu usweli ku minyauka mwa mukwakwa, musali yomuñwi ya tinile fela licika,

u luma mioya yemiñata kwa lihele kufita libaka za manwelo a bucwala kaufela zeliteni mwa naha, kono uka minyauka mwa mukwakwa, inza nahana kuli ki nto *yeñwi*. Sina Bibele ha ibulezi kuli, “Ba kaba ni milala ye otolohile, kutokwa buiswalo, *kuminyauka*,” seo sitalusa kuitobaka, “habanze baya,” mwa lizazi la mafelelezo. Kutaleleza Mañolo, mi ha zibi cwalo. Ba yemi mwa patelo, ni liapalo za butanya, baana inge ba mu talimela, mi ha ba zibi. Wakona mane kuba ya sepahala ku muuna hae kamba ku nyazi wa hae wa mucaha ka mwa kona kubela, kono ka Lizazi la Katulo, uka yo ikalabela ka kueza boozwa ni baana baba mianda anda. Moya ku bona, mi ha ba zibi cwalo. Bibele ibulezi kuli, “Mapunu, libofu, mi ha ba zibi.” Siemba se si swabisa ki kuli “ha ba zibi.”

⁴⁹ Kono kana mwa ziba, siyemo sesinde nyana sani, sa file Mulimu musizana yani, mane sa kona kubola ka nako ye Sunda yetatama? Kaufela zeo, muuna yomunsu mi yomunde mane ha koni kuba sika kaufela kwanda kuba fela libunda la manyalala, ka Sunda yetaha. Zeo kaufela za fela.

Kono sani mwahali, Mulimu, lilato, upila ka Kuyakuile. Kacwalo, mutalime za mwahali. Mubeye meto a mina ko mulibile.

⁵⁰ Cwale, likande le li kalisa ka mukwa o cwalo, sina musali ya swanela, musali yomunde. Libizo la hae neli Naomi. Naomi italusa “kutabisa.” *Elimeleki* neli muuna hae, kotalusa “kulapela.” “Milapelo ye tabisa” neli lubasi lwa hae. Nebana ni mwana mushimani, *Mahaloni*, leo ne li talusa kuli “butuku.” Mi *Kilyoni*, yomuñwi, na talusa “kukatata, lumbimbi, maswabi.” Nekuna ni lubasi.

⁵¹ Mi kwa taha tala mwa naha ya Isilaele. Mi mafosisa a pili ao Mujuda akona kueza, ki, kuzwa mwa naha yani. Mulimu na ba file naha yani. Fani Abrahamama hana filwe naha yani, Mulimu amu bulelela kuli asike azwa mwa naha yani. Mi a eza mafosisa foo ha na ile kwa Gerari, akena mwa butata. Mujuda ha lukeli kusiya Palestine. Sani kona sibaka sa hae se si tomezwi.

⁵² Mi ba lelekilwe, mwahala lifasi kaufela. Mi cwale basweli kukuta hape. Oh, ki likande lelinde hahulu le lunani mo, kakusasana cwana. Ba ka kuta.

⁵³ Naomi na lelekilwe bakeñisa tala, Naomi ni Elimeleki, mi ba ya kwa Moabi.

⁵⁴ Cwale ku fumana makalelo a likande, kacwalo, hamunze mu teezeza, mu ka kona kulemuha seo sili sona.

Cwale, ma Moab- . . . ki Mamoabi, ne ba kalezi ku mwana wa mwa bunyazi, bene bali bana ba basizana ba Lota. Kasamulaho ba banduka mililo ya Sodoma, ka sishemo sa Mulimu, kipeto bana ba basizana ba nga bo ndatahe ba kozwi ni kupila ni yena, sina mufumahali. Ba pepa mwana. Mi alimuñwi wa bona na kalezi, ni kutisa mwateni ba—ba naha ya Moabi, bene ba lukela

kuba Bakreste, kono ne ba kopani mwa buhedeni. Mi, mwabona, kusiya naha ya sepiso, hakuna taba kamba neli ye maswe cwani, ku yo yambaelela mwa naha yeñwi, kutisa butata.

55 Mi nako ifi kaufela yeo mulumeli ha zwa mwa sibaka sa filwe ki Mulimu! Linako zeñata, mwa litaba za naha, liketisa ze linze litaha ni zeñwi cwalo, muuna yomunde wakona kuba muuna yomunde, mi uka yambaela kuzwa mwa libaka zani. Inge mukutazi yomuñwi ye Ni ziba, ya matela kuba mubusisi wa tolopo. Mi foo ha ezize cwalo, azwa mwa sibaka sa bulumiwa bwa hae, mi Satani a mu nga.

56 Haiba Mukreste ufi kaufela uzwa mwa sibaka sani. “Kihande, Ni ka shetumuka fela, busihu boo, kuina ni bashimani mwa sibaka sa lipapali, fa nako nyana. Hanina kueza bumaswe. Ni ka nwa fela tucwala nyana.” U zwile mwa libaka za hao. Aku kute. U sweli fela kuipeya mwa butata.

57 “Oh, basizana babañwi kaufela ba zuba. Ni ka lika fela iliñwi.” U zwile mwa libaka za hao. Usike wa eza cwalo. Upile mwa naha ya hao. Usike, “Kihande, mutu kaufela mo, ba ni biza kuli, ‘Mbundu ya kale.’ Ba ni biza kuli, ‘Mufuta wa kale.’” Uine fela ona foo, nihakuli cwalo. Sani kona sibaka sa hao. Upile ku Kreste.

58 Naomi, bakeñisa tala, ayamabaela kwa linaha mi aya kwa Moabi, ayo fumana sico. Na sa lukeli kueza cwalo, kakuli babañwi ba bona ne ba inzi mwa Judea, Betelehema. Betelehema italusa, *Betele*, “ndu ya Mulimu,” ndu ya milumbeko. Mi baina ona fani.

59 Mi a yambaela ni muuna hae. Mi bana ba hae bababeli babashimani ba nyala basizana ba Mamoabi. Kono haiba Mulimu utomile sika kuli si ezahale, sika ezahala ni hakuli cwalo. Leo kona libaka ha Ni lumela mwa kulemuhiwa kale, kuziba kwa Mulimu kwa lika.

60 Kipeto lufumana kuli, ona fani, lifu la nata lubasi, mi ba kalisa kukuta. Kubulaya... Mushimani a shwa, bashimani bababeli bani ba shwa, mi ndatahe a shwa. Mi Ruti akala kukuta, Olipa, ni Naomi.

61 Cwale, Ni bata ku swanisisa, kakusasana cwana, Naomi, musali muhulu, kwa keleke ya Orthodox, keleke ya Orthodox ya Sijuda. Ruti, ki Mumoabi, wa Bamacaba, kakuba Keleke ya Bukreste, yona Keleke Yenca.

62 Mi Ni bata ku i atumela, kuzwa fa likalulo zene ze shutana, Ruti. Ni iñezi fa. Ruti, wa iketela, kuba ni keto ya hae; Ruti, wa sebeza; Ruti, wa pumula; Ruti, wa fiwa mupuzo. Halunze lu kuta: Ruti, uba ni keto; Ruti, kasamulaho ha sa bile ni keto ya hae, kipeto Ruti wa sebeza; kipeto Ruti wa pumula; kipeto Ruti wa fiwa mupuzo.

63 Cwale, mwa musipili wa kukuta, kwa taha nako, sina yena ka kuba mufuta wa Keleke, kamba Mukreste. Sina, mutu ni mutu uyemela naha ya Bukreste yoote. Kikuli mwa ziba cwalo? Mina, mwa likezo za mina, ka mukwa o mueza ka ona, mu yemela Mubili kaufela wa Krete. Mu li, “Kono Ni membala fela.” Zeo halina taba. Foo ha u amuhela libizo la Mukreste lani, u yemela Krete ni Keleke ya Hae. U lukela kupila ona cwalo. U lukela kupila sina mitangana, sina likalibe. Usike wa eza lika za lifasi, kakuli meto kaufela a Lihalimu ni lifasi a ku nongile, kuyemela nto iliñwi yeo. Hakuna taba kamba u fokozi cwani, kamba u mwanana cwani, iswale toho ya hao hande, 'kakuli u Mukreste.

64 Cwale, Ruti neli muhedeni, na lapela milimu ya maswaniso, mi kona mwa na bezi ni Olipa, mi nebali mwa musipili wa bona, inge ba kuta ni makwenyana babasali, kakuli na utwile cwalo kwani kwa Betelehema, Judea kuli Mulimu na felisize koto, mi sicaba ne sina ni sinkwa. Na bile kwani mwendi ka myaha ye lishumi, kacwalo Edersheim uli, mwendi ka myaha ye lishumi, munituti wa litaba za kale.

65 Mi ha ni kuta, inge a swabile (mi muuna hae na shwile, bana ba hae ne ba shwile), ni makwenyana hae babeli babasali. Kipeto ki ha sikuluha, na lukela, ni ku ba talima, mi ali, “Kiñi ha mu kona kuya ni na? Cwale, hakuna so kona kueza kwanda kuba ni butata.” Ali, “Ni swabile kuli lizoho la Mulimu li ni otoloji ku ni lwanisa.”

66 Ki linako zekai Isilaele ha hupula cwalo, kusina kuziba kuli neli tukiso ya Mulimu! Kuli mane limota la kulila liinzi kwande a Jerusalema, li sali teñi! Macwe a kale a tempele, ba nopa ni kueza limota. Mi batiya, ba telela, kwa mioko ni kulila, kwa mazoho a Sijuda, inge ba lila ni kukupa Jehova, “Jehova!” Ha ba lemuhi kuli hola yabona i sutelezi fakaufi cwale. Mamota a lila, “Macwe aa akile a yaha mwa Areka ya Bulikani. Mulena Davida atalima fa macwe aa. O Jehova, U kai?” Mwabona? Kusina kuziba kuli cwanofu Mulena hae uka kuta, Muliululi wa hae. Neba na ni ku lelekiwa, fa nako nyana.

67 Naomi na komokile kuli, “Kiñi lizoho la Mulena ha li na ni pilu seta luli, makwenyana ka babasali? Mulimu u ni lelekile. Ni muyambaeli. Ha ni zibi se Ni ezize, kono Ni muyambaeli.” Mwabona?

68 Mulimu na sebeza tukiso ya Hae. Kakuli, “Lika kaufela libeleka hamoho kwa bunde ku baba lata Mulimu,” hakuna taba kamba ki sikamañi.

69 Ki hali, “U kute ku bomaho, mi mu fumane pumulo mwa ndu ya boma mina. Baana ba mina ba shwile. Mi mu banana, basali babande. Mukute kwa mulaho. Mukute ko muzwelela. Kwani mufumane kukatuluha. Mulimu ami utwele butuku, kakuli ne mu ni sishemo ku baba tokwalile. Mi mupilile ka buiswalo kuzwa fo ba shwezi bo muuna mina. Mi mubile ni musa ku

na, mucembele wa mbelwa yasina muuna, mi mu inelezi nina. Mukutele kwa mulaho, mi Mulimu amife kukatuluha mwa ndu a mina.” Ba kalumuka kulila.

⁷⁰ Ki hali, “Haiba . . . Ni supezi. Hanikoni kuba ni bana hape. Kono haiba Ni kona kuba ni muuna ni kuba ni mwana, ki bunde mañi bo bukona kueza? Hamukoni kulibelela mbututu yoo.” Wani neli ona mulao mwa mazazi ani. Kuli haiba muzwale a shwa, kamba . . . mi, yena, muzwale yomuñwi ka kuba ya sikanyala, nana ni kunga musala hae kuli a tumise libizo ku muzwale wa hae ya shwile. “Kono, yena,” ali, “ha u koni ku mu libelela, limbututu zee. Kacwalo, mukutele kwa mulaho mi mufumane ku katuluha mwa mandu a baana ba mina. Mukutele ku boma mina.”

⁷¹ Mi, Olipa, mufuta wa keleke ye enya fela ye ne kalile nako yeñwi, mufuta wa keleke ye si ke kuya ka nzila kaufela. Musali ali, “Seo si utwahala hande luli.” Kacwalo, a tubeta mukwenyana hae wa musali ni kukuta hape. Wani ki mufuta wa mulumeli ya enya fela, ya ka lumela Jesu kuba Kreste, kipeto afetuha ni kukutela kwa sika sa na zwile ku sona. Ku muuna ya ka ya ka nzila ni baba kendilwe ba Mulena, mi kipeto a sikuluhe, ni kukuta. “Inge nja kwa mataza a yona, ni kulube kwa sileze sa yona,” sina Bibeke ha i bulezi.

⁷² Cwale, na kutezi kwa milimu ya hae. Linako zeñata lu kutela kwa milimu ya—ya makalelo a luna. Mwendi luna ni meto a takazo mwa lika ze maswe. Luka kuta kwa ku lakaza hape. Mwendi luna ni milimu ya kunwa, milimu ya kuzuba, milimu ya buhata, milimu ya kuuzwa, mifuta kaufela ya milimu; mi kipeto ni kuipiza cwalo ni ku kolobezwa, mi kipeto ni kukuta hape. Ha ki taba kwa kutomola pilu ni yeo! Muhupule, neli si ka bulelwa libizo la hae ni kamuta. Na lelekilwe bakeñisa keto ya hae.

⁷³ Keleke ye enya fela, mulumeli ya enya fela, inge mulumeli kaufela ha yemela keleke. Mu American kaufela uyemela America. Mu German kaufela uyemela Germany. Mukreste kaufela uyemela Kreste.

⁷⁴ Fa a mu kutisa, kuli akutele mwa lika za na zwile kuzona. Kuli mane baana, nihaiba bakutazi, fokuñwi, ba ka nga nzila ya Mulena, mi ha u ambola ku bona ka za kolobezo ya Moya o Kenile: “Bukuba,” baikambusa ku Zona. Yani ki Olipa.

⁷⁵ Mu ba bulelele ka Libizo la Jesu Kreste, kuli, “Hakuna Libizo lisili mwatasa Lihalimu leli filwe kwa batu le mu lukela kupiliwa ka lona. Kaufela se mueza mwa likezo, mu eze kaufela ka Libizo la Jesu Kreste, haiba hakuna Libizo lisili mwatasa Lihalimu le mu lukela kupiliwa ka lona.” Kipeto Pitrosi ali, ka lizazi, Lizazi la Pentekota, “Haiba mubata kupiliwa, mubake mi mu kolobezwe, ka Libizo la Jesu Kreste, kwa swalelo ya libi za mina.” Cwalo kona mo li takulezwi. Mi mutu, bakeñisa kabubo, hakoni kuswala Bibeke ka zona. Kono bakeñisa kabubo, ba ka

tubeta Keleke, kutubeta Liñusa, kutubeta Krete, “siyala foo,” ni kukuta ko na lukululezi. Olipa, ya enya, ya lelekilwe.

⁷⁶ Kono, oh, ka mo Ni latela Ruti yomunyinyani yani! Nana ni kuba ni keto. Ne nina ni kuba ni keto. Mu lukela kuba ni keto. Hamuna kuzwa mwa minyako ye, kakusasana cwana, kusina mufuta wa keto yeñwi cwalo. Hamuna kuzwa mwa sibaka se, kacenu, ikana yaba kuli u muuna yomunde kamba musali, kamba muuna ya maswe kamba musali. Ku Li hana, ukaba ya maswe. Ikaba nto yetata nako yetatama, kuli ube ni Lona. Kamba, u ka ya uli hande.

⁷⁷ Ne li tile ka kangisano mwa bupilo bwa hae. Li tahanga ka kangisano mwa bupilo bwa mutu kaufela. Mi Ruti nana ni kuba ni keto. Kacwalo, Bibele ibulezi kuli mukwenyana hae wa musali na mu bulelezi kuli, “Aku kutele kwa milimu ya hao sina mwanahenu mwa ezelize. Aku kutele sina ku enya mo ne ku ezelize. Kiñi ha u sa kuti.”

⁷⁸ Mukutazi wa Evangeli, “Haiba nji ubata ku ya, zwelapili cwalo.” Mukutazi wa niti ya ka mubeya fapila sikwata sa batu, “Mueze buiketelo bwa mina. Amu yeme ka mautu.” Ku enya, ya wela-wela, mwahali ni kwande, haana kubulela zeo. Kono mutanga wa niti wa Mulimu uka li beya fa mautu a hao, “Mueze buiketelo bwa mina.”

⁷⁹ Ruti ali, “Ni ka ya ko uya. Sicaba sa hao ikaba sicaba saka. Mulimu wa hao ukaba Mulimu waka. Ko ka pila, Ni ka pila. Ko ka shwela, Ni ka shwela. Mi ko ka pumbekelwa, Ni ka pumbekwa.” Yeo kona keto ya niti.

⁸⁰ “Mulena, Ni ka Kunga kuba Mupulusi waka. Haiba Bibele ibulelela kuli, ‘Mubake mi mu kolobezwe, ka Libizo la Jesu Krete,’ seo Ni ka eza. Haiba Bibele ibulelezi kuli Ni ‘lukela kuamuhela Moya o Kenile,’ seo Ni ka eza. Haiba Bibele i ni bulelelela kuli, ‘Jesu Krete ki ya swana maabani, kacenu, ni kuyakuile,’ seo Ni ka lumela. Ni ka nga Bibele ni Mulimu, ka Sa ñozi ni Sali sona, hakuna taba kamba mutu ubulelela sikamañi.” Ki yani Ruti wa niti.

⁸¹ Na bile ni keto ya hae. Nana ni kukuta kamba kuzwelapili. Lu yemi fa mayemo aswana ani, kakusasana cwana, lukute kwa mulaho kamba kuya kwapata. Musike mwa kuta mwa mulaho. Halu yeni kwa pata.

⁸² Kutaha cwalo mwa naha ya sepišo ba kena, mwa naha ya batu basili. Ruti, mufuta wa mulumeli cwale. Sikamañi? Mulumeli ki sikamañi? Foo musali kamba muuna a zwa, yena mutu ya zwa mwa lifasi, utaha mwahala balumeli ba Sikreste. Basali bene ba zubanga, kunwa, ni kubapala makadi kwa tutengo, ni zeñwi cwalo, ni kuba ni mifuta kaufela ya lika za butanya, mi sina mufuta omuñwi wa “nyunywani ye kangezi,” kono cwale u cincizwe. U ezize keto ya kuya ni Mulimu. Cwale utaha mwa sicaba se si sa lumeli lika ze cwalo zeo. Ki muenyi.

Una ni kuzamaya sina muzamai. Ha zibi lizo za bona. Kaufela bona ki baeñyi, ku yena. Ha zibi sa kueza. Sani kona sa na ezize Ruti. Sani kona se mu lukela kueza. Sani kona se Ni lukela kueza.

⁸³ Foo ha Ni amuhela Krete, Ne ni lelekilwe mwa lapa laka. Foo ha Ni amuhela Krete, balikani baka ba bashimani, balikani ba basizana, mutu kaufela, ba i kambusa na. Aya ni sikwata sa batu ba kale bene bana ni Moya o Kenile mi ba lumela ku Mulimu, ku Mu sebeleza. Basizana, nebali kulo kwani mwa keleke yani, ne ba shutana kufita ni mo ne ba zamaela basizana. Neba bonahala kushutana. Neba eza lika ka kushutana. Nebali ba buenyi, mi Ne ni ba saba. Nebali batu baba shutana.

⁸⁴ Sani kona sa na ezize Ruti. Nana ni kuzwa ku ba habo, kutaha kwa sicaba sesiñwi. Na cincizwe. Na bile ni keto.

Mi mupanga buiketelo. Mu lukela kunga keto ya mina. Mu bata kukutela kwa lika za lifasi, kamba mubata ku ya ni Mulimu?

⁸⁵ Kana mubata kueza sina lifasi ni babañwi ba bona? Kipeto tubeta Krete kuli “siyala foo” ni kukuta.

Kono haiba mubata kunga nzila ya mina ni babanyinyani baba kendilwe ba Mulena, muswale kwa lizoho la Mulimu le li sa cinci. Hakuna taba ka se libulela lifasi, u swale ona foo. “Mulimu na bulezi cwalo. Ki niti. Na Li lumela, nihaike ha Ni koni ku li bonahalisa mwa bupilo bwaka. Mulimu na bulezi cwalo. Na Li lumela. Ni sweli ona fa.”

⁸⁶ Cwalo kona mwa na ezelize ku Naomi. “Hanina ku ku siya. Ni ya ko uya. Sicaba sa hao ikaba sa ka. Mo ba ezeza, kona mo Ni ka ezeza. Ka mo ba ezeza, kona mo Ni ka ezeza. Se ba ca, kona se Ni ka ca. Ko ka shwela, Ni ka shwela teñi. Ko ka pumbekelwa, Ni ka pumbekwa. Mi Mulena aeze zeñata ku na haiba Ni palelwa kai kaufela.” Yeo kona keto yende luli. Mulimu ubata buiketelo bo bu kenile kuzwa mwa Keleke ya Hae.

⁸⁷ “Kihande, Mulena, haiba U ka ni fuyola fela ni ku ni ezeza se, Ni ka eza sa *kuli-ni-kuli*.” Yeo ha ki keto.

⁸⁸ “Mulimu, Hanina taba ka so eza ni na, Ni ka ya nihakuli cwalo. Haiba Ni shwa, ku lukile. Ku pila kamba kushwa, kaufela! Haiba ba ni seha, ku ni bona bukuba, hakuna shutano ni yekana, Ni ka ya ni hakuli cwalo.” Yeo kona keto ye kenile, sina Rebekah mwa na ezelize a 'si ka bona kale Isaka.

⁸⁹ Bashemi ba hae bali, “Tuhela musizana a alabe. Musizana, ki wa siyemo, mutuhele ha alabe.”

⁹⁰ Musali ali, “Ni ka ya.” Keto ye kenile, ye ezizwe kapili. A kumalela ku yona. Kona za na ezize Ruti. Olipa a kuta.

⁹¹ Ba zamaya cwalo. Ruti, mwa pilu ya hae, a sa zibi kwa na ya, kono neli mufuta wa Keleke. Lu mwa musipili, sina Abrahamama. Bazamayi mwa naha ya buenyi, mwahala sicaba sa basili.

Mi ona cwalo a ikela, mi mafelelezo ataha mwa muzuzu ni sibaka koo Naomi na muisa. Mi ki sikamañi sa na fumani? Mutu kaufela na mu nata kwa mukokoto ni kubulela kuli, “Ruti, lu tabile fa kuba ni wena kwanu”? A fumana twaniso. A fumana nto yeñwi yemaswe. A fumana butata.

⁹² Ni bakutazi baba ka mi bulelela kuli, “Bu—bu bupilo bwa Sikreste ki mumbeta o bunolo wa lipalisa,” ikana yaba kuli wa mi puma kamba ha si ka amuhela kale kutwisiso yani yena kasibili. Lifasi li ku toile. Mi sicaba si ka ku toya. Mu lukela kunga nzila ya babanyinyani baba kendilwe ba Mulena, ni ku sehiwa, ku boniwa bukuba, kamba sika sifi kaufela. U lukela kuba ya shutana. U pepilwe ki Naha isili.

⁹³ Musala ka . . . Sina ha Ni ka—ni ka bulela hape; ku bonahala hande hahulu kueza cwalo. A ni buza kuli, “Kiñi basali ba Sikreste ha ba sa tinangi liapalo ze cwalo sina basali babañwi mo ba ezeza?” Se nili. . . Ali, “Luna kaufela lu ma American, nji cwani?”

⁹⁴ Se nili, “Batili, muñaka.”

⁹⁵ “Kihande, lu sikamañi?”

⁹⁶ Se nili, “Luna mane ha lu ma German, ma French, Belgium, Swiss, African, kamba ma American, kamba hakuna ni yomukana wa bona.”

⁹⁷ “Kono ki luna bomañi?”

⁹⁸ Se nili, “Lu Bakreste.” Ma America ba eza sina ma America, ma German ba eza inge ma German, kakuli wani kona moya wa naha ya bona. Mi luna ni Moya wa naha. Wani kona Moya o Kenile o zwelela ku Mulimu, kuzwa mwa Lihlimu, mi mueza likezo ze Cwalo. Si kueza kuli upile ka kuikuteka sina mo ba ezeza kwahalimu Kwani, kakuli u wa Lifasi lisili.

⁹⁹ Lu pila mwa America, yeo ki niti. Sani kona siemba sa mubili. Kono moyo o lu zamaisa, buino bwa luna, bu zwa kwa Lihlimu. Lu pila kuzwa kwa Lihlimu kakuli lu pepilwe kuzwa kwa Lihlimu. Bakreste kaufela ba zwelela kwa Lihlimu. Jesu ali, “Ha ni zwi kwatasi. Ni zwa kwa Lihlimu. Haiba Ni zwa kwa tasi, sicaba sa Ka ne si ka Ni lwanela. Kono Mubuso wa Ka ki wa kwa Lihlimu.” Kacwalo kona mwa inezi ni mutu kaufela ya pepilwe mwa Mubuso wa Mulimu, u zwa kwa Lihlimu.

¹⁰⁰ Cwale, ka kotalima cwale. Halunze lu zwelapili cwalo, lu ba fumana inge ba taha mwa ku swaba. Kana kwani kona ko mu kenela, foo ha mu amuhela Moya o Kenile? Luli kona mo ne muezelize. Ni ezize cwalo. Ku boniwa bukuba, ni lika kaufela.

¹⁰¹ Kipeto, mulemuhe, bupilo ne buli tata ku yena. Mi kutata ha se ubile Mukreste. Kakuli mu lukela ku ikusufaza kuzwa mwa bupilo bulibuñwi, bwa nyakalalo ni minyaka ya lifasi, kwa bupilo bobuñwi, bwa kuipa ku Mulimu. Mu lukela kuikusufaza ili mina, kwa neku *le*.

¹⁰² Mi Ruti nana ni ku ikusufaza ili yena kwa kuba mwa naha mo ne kuna ni zefata za kuca, mi lika kaufela ze kutekeha, kwa sicaba sene si seha, ku mu bona bukuba, kukena mwa naha yana bubula mwa simu ka za na ca. Kubeya mwa taulo ya hae ni kuya kwa ndu. Ni ku sita ni kuezwa sinkwa cwalo, mi yena ni mukwenyana hae wa musali ku i ca.

¹⁰³ Foo ha na li kwani, ba to fumana kuli, ha na sweli kububula, kamba kuya kwa kububula. . . Cwale, na bile ni keto ya hae. Yani neli yena ya na keta.

¹⁰⁴ Cwale, taba yetatama ya lukela kuezwa ki ku sebeza.

¹⁰⁵ Mi sani kona seo Keleke ina ni kuezwa, ki Keleke, kasamulaho wa kuba ni keto ya hao, una ni ku sebeza, ku sebeleza Mulimu kuya ka mutomo wa Hae, kuya ka mutomo wa Hae, u swanela ku sebeleza Mulimu.

¹⁰⁶ Ruti, uba ni keto. Cwale, Ruti, ubelekela mwatasa keto ya hae. Cwale amutalime fela fa muzuzu. Cwale akena mwa simu, ku yo bubula.

¹⁰⁷ Cwale, bo mahe ba mu bulelela; ili, mane Testamente ya Kale ibulelela ye Nca, mwa ziba. Bo mahe ba mu bulelela, kuli, “Luna ni wa lubasi, mi libizo la hae ki Boazi. Ki muuna ya fumile. Mi ki wa lubasi ya li bukaufi. Uye mwa simu ya hae. Mi hakulata. . . Usike wa ya kwa simu yeñwi; uye mwa simu ya hae.”

¹⁰⁸ Ka mo Moya o Kenile ulu bulelela kuli lusike lwa kena mwa buka ya mufuta omuñwi wa—wa keleke, mufuta omuñwi wa katekisema, kono kuya mwa Simu ya Mulimu, Testamente ya Kale, yona Bibe. Musike mwali, “Kihande, lu ka bulela *se*. Mi lu ka bulela *se* kwa tapelo. Lu kaba ni *se*.” Upile hande ni Simu. Ukene hande ku Yona, ‘kakuli ki Yena wa mwa Lubasi yali bukaufi.

¹⁰⁹ Linzwi la Mulimu, Testamente ya Kale, ki yena yali bukaufi wa Lubasi ku ye Nca. Keleke ya Kale ki me kwa Keleke Yenca, mwabona, ki Mukreste, ki mulumeli. “Usike wa ya kwa simu yeñwi. Uine fela mwa simu ya hae. Mi mwendi, zazi leliñwi, wakona kufumana sishemo ni yena.”

¹¹⁰ Mi zazi leliñwi, hanali kwande mwa simu, muuna wa mufumi yo, wa libizo la Boazi, neli mubusisi, muuna ya fumile, ataha cwalo, mi a mu bona. Oh, foo ha na mu boni, a mu lata. A hupula kuli nali musali yomunde. A lata mukwa wa hae. Mwa hupula, ki hali, “Na ziba, cwale sicaba sa ziba, kuli u musali ya sephala.” Na bile ni keto ya hae, ye kenile mi ye namile. Akuta hape cwalo, apila fela ona cwalo mwa na bulelezi kuli kona mwa na ka ezeza.

¹¹¹ Ka manzwi amañwi, kacenu, ba bulela kuli, “Lu ziba kuli u Mukreste. Lu ziba kuli u muuna wa Mulimu, ‘kakuli hakuna mutu yakona kuezwa limakazo ze konji Mulimu hali ni yena.”

¹¹² Sani kona sa na bulezi Nekudema ku Jesu, kuli, “Muluti, lu ziba kuli wena u muluti ya zwa ku Mulimu. Hakuna mutu yakona

kueza lika zo eza konji Mulimu abe ni yena.” Foo, na Mu bona inza inzi fani ni kulemuha milelo ya lipilu za bona.

¹¹³ Musali na sweli sapalo sa Hae. Asikuluha, ali, “Ki mañi ya ni sweli?” Kaufela bona ba latula. Atalima kwa mulaho mwahala sicaba mi ali, “Wena, ni butata bwa mweya foo, tumelo ya hao i ku folisize.”

¹¹⁴ Ali, “Hakuna mutu yakona kueza cwalo konji Mulimu abe ni yena. Lu ziba kuli U zwelela ku Mulimu. Halukoni ku Ku amuhela, kakuli lu ka lelekelwa kwande a keleke.” Mwabona?

Ona kota ye comekilwe yani, Muzwale West, sina hane lu ambola maaabani busihu, ba ka ku lahela kwande. “Kono, mwahala lipilu za luna, lu ziba kuli u zwelela kwa Kota ya makalelo.” Kreste ki yena Kota; luna lu mitai. “Lwa ziba, kakuli lu bona Bupilo bo bu swana bo buli ku Mulimu, bu ku Wena.”

¹¹⁵ Sani kona sa na boni Boazi ku Ruti, ona buiketelo bo bu kenile bwani, ona mata a musali yani inza yemi fani. Mi awela mwa lilato ni yena.

¹¹⁶ Cwale, Ni bata kuli mulemuhe. Naomi, keleke ya kale, akala ku tatululela Ruti milao kaufela ka za bulapeli bwa hae, sina Testamente ya Kale ki muluti wa ye Nca. Cwale, Ni bata kuli mu utwisise likande le ona fa.

¹¹⁷ Cwale, ni bata kubonisa miluti. Testamente ya Kale itatulula ye Nca, haiba mu ka I bala fela, kakuli Ki muluti fela wa ye Nca. Cwale, haiba Ne ni kaya kwa limota lani, mi Nali kuba ni ipone ili na, mi Ni bona muluti waka, Ne ni ka ziba, kuba ni munahano wa sene Ni ka bonahala. Mi haiba u ezi cwalo (wena) kuziba seo Testamente ye Nca ili sona, ubale ya Kale mi u ka bona muluti wa Yona. Mwabona? Mi kipeto foo Testamente ye Nca ha itaha, mu li, “Kiñi, luli, se ki Sona.” Buka ya Maheberu, ha i kuta, Paulusi wa i tatulula.

¹¹⁸ Cwale, mulemuhe ka tokomelo cwale. Fani Ruti hana ize, kamba . . . Naomi hana ize ku Ruti, ali, “Cwale, ki yena wa lubasi waluna. Mi haiba ukona kufumana sishemo ni yena, uka fumana kukatuluha.” Oh, mawi! “Haiba ukona kufumana sishemo, u ka fumana pumulo.” Boazi na yemela Kreste, Muuna ya fumile, muca sanda wa lika kaufela, Mulena wa kutulo. Oh, mawi! Cwani, foo Boazi hana tile inza pahami fani, mwa kocikala yani, atalima mwa masimu, mi meto a hae awela ku Ruti! Na li muluti. Na li mulena wa kutulo. Mi a fumana sishemo fapila hae.

¹¹⁹ Sani kona se i eza Keleke, kacenu. Foo Mulena wa kutulo asweli kufita, Ha talimi muyaho omutuna, lituwa zetelele, likwata za baopeli ze lutilwe hande. U bata batu banosi, baana ni basali baba ipile mi baba ikambuselize Kreste, baipa ili bona kwa sebelezo ya Hae. “Mulimu, Na Li lumela, Linzwi kaufela la Lona. Foo Linzwi la Hao libulela sika, Ni pila hande ni Lona. Leo kona Linzwi la Hao. Na Li lumela, Linzwi kaufela.” Sani kona Sa bata, Mulena wa kutulo. Sani kona Sa bata kufa, ona Moya

o Kenile, ku baba na ni tala ni linyolwa. “Mbuyoti ki ya baba na ni tala ni linyolwa, kakuli mu ka kuliswa.” U lika kufumana Keleke yeo kacenu.

¹²⁰ Cwale, kipeto, Ruti a kupiwa kueza nto yeñwi ye swabisa, kono na itakaleza kakuli na bile ni keto ya hae. Ki mufuta o cwani wa mulumeli! Ha ki mufuta kwa kupetahala ni woo!

¹²¹ Naomi, keleke ya kale, ali, “Shetumuka, busihu boo. Ki nako ya mabele.” Oh, ha ki mulelo kwa bunde wo ne luka ina ona fani!

¹²² Naomi ni Ruti bataha ka nako ya mabele fela. Mwaha wa mabele neli mwaha wa sinkwa, mwaha foo ha ne ku ciwa sinkwa sesinca. Mi Keleke, mwa mazazi a maungulo aa, mwahala myaha ye likiti zepeli ya lituto za buhedeni ni lika zeñwi, utile mwa mwaha wa mabele, ni bunca bwa Bupilo, Sinkwa sesinca, linonsi kuzwa kwa Lihaliimu. (Russell, mubulele ka za sinkwa sa mulalelo!) Se ki Sona, Sinkwa se si zwa kwa Lihaliimu. “Kina Sinkwa sa Bupilo. Bo ndata mina ne ba cile manna, mi ba shwile. Kono ki Na Sinkwa sa Bupilo se si zwile ku Mulimu, kuzwa kwa Lihaliimu. Haiba mutu aca Sinkwa se haana kushwa.” Mi Keleke mwa mazazi a maungulo a fa, ikeni mwateni, ona fa cwale, ka nako ya mabele.

¹²³ Ruti, wa Macaba, ya lelekilwe, amatiswa, u tisizwe mwahali, kuli amuhelwe sina Munyaliwa. Krete na tile mwateni, ka nako fela ya mabele.

¹²⁴ Ki hali, “Cwale tina liapalo za hao.” (Isiñi, “Kutububula liapalo za hao.”) Mo li shutanela ni kacenu! “Tama lukanda lwa hao, foo ha u ka yo mu katanyeza. U ya kwa kukutula mabele, busihu boo. Zamaya u yo apala liapalo za hao. Yo ikapesa liapalo, kuli u kopane ni yena.”

¹²⁵ Kacenu, ba bata kuitubula ilibona. Mu no tinanga. “Zamaya cwale, kakuli u kutula mabele. Mi konakuli u swaye sibaka ko a ka lobala fafasi.” Kana u ezize cwalo? Fa Gologota. Lilimo zeñata kwa mulaho, Ne ni swaile mwa pilu yaka ko Na lobalize bupilo bwa Hae, kuli Akone ku ni nga. Muswaye sibaka Sa lobezi fafasi, mutalime ko Na lobezi. Sani kona sa lukela kueza mulumeli kaufela. Muswaye sa Na mi ezelize. Liñusa la Sunda yefelile, fa *Poto Ya Kalvari*, muswaye sa Na mi ezelize.

¹²⁶ Ki hali, “Utokomele tende ya ka yo lobala kuyona. Kipeto foo ha ta lobala, kuli apumule, uyo lobala fafasi kwa mautu a hae.” Isiñi toho ya hae; mautu a hae, na sa swaneli. “Mi unge kubo ya na apesizwe kuyona, ni ku i hoha kuikapesa yona.” Oh! Mwa bona kana? Oh, mawi! Ni ziba kuli mwakona ku nahana kuli Ni mufitelezi wa tumelo. Kono seo si ni tabisa fela hande, ona Moya wa Mulimu wani. Muswaye ko Na lobezi, Kalvari; ko Na lobezi mwa libita; mwa Getsemane. Muswaye, ni ku hohobela kwa mautu a Hae. U lobale kwateni ni kushwa, wena luli, ku za hao. . . Ki fo he cwale. I kapepe, fahalimu, kwa sapalo sa Hae. Musali ali, “Sikoci,” a si biza.

127 Mi Ruti ali, “So u bulela, kona se Ni ka eza.”

128 Oh, ha ki keto kwa bunde ni yeo ku mulumeli! “Se ibulela Bible, kona se Ni ka eza. I bulela kuli, ‘Mubake mi mu kolobezwe, Libizo la Jesu Krete,’ Ni ka eza cwalo. Haiba I bulela kuli, ‘Muye mwa lifasi kaufela mu kutaze Evangeli,’ Ni ka eza cwalo. Haiba I bulela kuli, kaufela se I bulezi, ‘Jesu Krete wa swana maabani, kuyakuile.’ Se I ni bulelela kuesa, Ni ka si eza.” Mwabona, Keleke i amuhela litaelo za Yona kuzwa kwa Linzwi. A lobala fafasi.

129 Cwale, muhupule, ani neli maswabisa ka musali wa mbelwa yani ku lobala kwa tuko a muuna yo, kwa mahutu a hae. Maswabisa, kwa lifasi la kwande.

130 Oh, kana mwakona ku liyemela? Ki se fa. Mutalime. Mutalime. Se ki sona. Keleke, kalibe wa mwanana, mutangana, yo muhulu kamba mwanana, ba kupiwa kuli ba kauhane kwa lifasi, ni kutaha mwa sibaka, Mubuso wa Moya o Kenile, ao ki maswabisa kwa lifasi. Mwa lipilu zabona luli ba ziba ze li ezahala. Kono, kwa lifasi, ba fetuha kuba mufitelezi wa tumelo. Ba fetuha mupikuluhi ya kenile kamba nto yeñwi fa mulelo woo, libizo leliñwi le li swabisa. Kono Keleke i kupiwa kuesa cwalo. Kana mwa itakaleza ku swaya sibaka, ni ku lobala fafasi, mutuhele lifasi li mi bize sika kaufela se ba bata?

131 Pina ya kale, ne lu opelanga kuli:

Ni kalile kuzamaya ni Jesu anosi, (Mwabona?)
 Nina ni musamo, sina Jakobo, wa licwe;
 Mi Ni ka ya ka nzila ni babanyinyani baba
 kendilwe ba Mulena,
 Ni kalile ni Jesu. Na ya kwapili.

132 Kona cwalo. Hakuna taba, Ni ka lifa tifo kaufela se ba eza babañwi. Haiba ku talusa kuli ki maswabisa, haiba kutalusa ku tokwa ndu, kulatehelwa—kulatehelwa ki lubasi, balikani ba hao kaufela, balikani ba basizana, balikani ba bashimani, seo kaufela si talusa, Ni ka ya fela ni nosi. Ni ka nga nzila. Haiba muyaha tuko waka uli Ni “mupikuluhi ya kenile, wa pentekota, kamba mufitelezi wa tumelo,” Hanina taba ka se ba bulela. Hakuna shutano ni yekana kuna. Ni kalile kale. Ni bile ni keto yaka hande, mi Ni ya ni shetumuka.

133 Cwale, nali yena fela anosi yana ka mufa pumulo, kuzwa kwa masimu a katalisa a na bubula. Oh, neli nto yende luli foo, Boazi, foo ha na mu fumani mwa simu. Hanikoni kumbwinja se. Boazi amu fumana mwa simu. Ki hali, “Talima.” Ki hali, “Ki wena mañi?”

Ali, “Libizo laka kina Ruti.”

“Oh, mu Moabi ya na tezi ku to pila ni luna.”

“Eeni.”

¹³⁴ “Ni utwile za hao. Ha u yi kwa masimu asili.” Ah! Na lata cwalo. “Usike wa kala musebezi wa kuhela hela. Uine ona mwa simu mo. Upile ni yaka.” A mu lata. “Ina kwanu. Ina ni na. Usike wa mata mata kuzwa kwa sibaka se kuya kwa sibaka sani. Ina kwanu.”

¹³⁵ Haiba mu lumela Liñusa, kumalela ku Lona. Mwabona? Hakuna taba kamba tifo ki sikamañi, mupile hande ni Lona. Muzwelepili ona cwalo. “Haiba italusa, sitabelo *se, sani*, kamba *sesiñwi*. Mi Ni lukela kutuhela kunwa kwaka, ni lukela kutuhela kuuzwa kwa ka, kupuma. Ni ka ina hande ni Lona.” Mwabona?

¹³⁶ Mi sa bulela hape, ki hali, “Cwale, habana ku ku kataza, kakuli Ni laezi mitangana kuli basike ba ku lwaha.” Amen. Na lata cwalo, silelezo ya hae. Ki mañi yana bulezi cwalo? Mulena wa kutulo.

¹³⁷ U tokomele. “U si ke wa swala mutoziwa wa Ka. Usike wa eza bapolofita ba Ka bumaswe.” Kana ku cwalo? “Kakuli kaniti, Ni li ku mina, ibe hande kuli licwe li tamelelwe mwa mulala wa hao, ni ku tiba mwa liwate, mane nihaiba kufilikanya alimuñwi wa baa, babanyinyani ba Ka.” Ki niti yeo? “Mane usike wa ba tiseza butata.”

“Ni ba laezi kuli basike ba mi swala.” Oh, mutalime lifasi lani! Ki munyandisi. Bana ni hola ya bona ye taha.

¹³⁸ Mi ki ha ya kwa mitangana, babañwi. Ki hali, “Cwale, usweli kububula bupilo. Cwale, Ni bata kuli mina ba kutuli. . .mina mangeloi,” ka manzwi amañwi. Kona seo bali sona. Ali, “Ni bata kuli mina mangeloi, mina ba kutuli, fa ni fa, ku wisa ze tala lizoho, ka mulelo.” Oh! “Musike mwa mu katalisa hahulu. Kono fa ni fa, ano teezezanga Liñusa lelinde. Lumeleza kuli mata amande a Moya o Kenile a Mu apese fahalimu, fa ni fa, kuli A zibe kuli Ni sa li teñi. Eza mufuta wa foliso yeñwi mwahala Hae. Ku bonisa mufuta wa sisupo sesiñwi kamba makazo, kuli Uka ziba kuli Ni inzi mwahala Hae.” Kona cwalo.

¹³⁹ Kana hamu tabeli kufumananga ze tala lizoho zeo fa ni fa? Ni sepa lu fumana zeñwi kakusasana cwana, nji cwani? Mabele amanca a kwana mwa lizoho. Mulena ueza sika sa Na ezanga. Sika se lu ziba kuli Wa si eza. Ki Mulena wa Kutulo. Ki yena fela Anosi yakona ku wiseza zekwana mwa lizoho. “Ni laela Mangeloi kuya kwa mukopano wani kakusasana cwana. Ni bata kuli baeze nto yeñwi, nto yeñwi. Ni Ba laezi, mi Ba ka eza cwalo.” Oh, mawi.

¹⁴⁰ Cwale, fa, nana ni kunga siemba se si swabisa, ku lobala fafasi, kubizwa sika kaufela sa na bata. Na ka bizwa lihule, mwa ziba. Na ka bizwa musali wa libubo le li maswe, niteni na siyo cwalo. Mi nasweli kulatelela litaalo handende ze ne filwe kuyena. Mi ki ha ya ku yo ikapesa ni yena, kwa lisila la na ikapesize. Ki kai kwa na ile? Kwa libita. Ki kai kwa na ile? Ko na pumulela.

¹⁴¹ Kwani kona ko ne Ni fumani.

Fa sifapahano ko ku shwezi Mupulusi waka,
Kulo kwani ka kukenisa kwa sibi se Ni lila;
Mwa pilu yaka na tozwa Mali.

Kuna ni Liweluwelu lelitezi Mali,
Azwa mwa misinga ya Emanuele,
Ko baezalibi haba nwela mwatasa muunda
wani,

Ba tapa milatu yabona kaufela.

142 Swaya sibaka ko Na lobezi, ni ku lobala ni Yena mwani. Kana muitukisize kuya kwa Kalvari, kakusasana cwana, sina hane Ni bulezi la Sunda yefelile? Kana mu swaile sibaka mwa bupilo bwa mina? Kana u fitile fa sibaka seo koo Jesu na kokotezwi?

143 “Oh, lwa itumela ka seo.” Kono kucwani he ka za kutakiswa kwa hao? Kikuli u itukiselize kulwala libizo le li swabisa, ka kuba mupikuluhi ya kenile, mufitelezi wa tumelo, kamba sika kaufela, kaufela tifo ili yona?

144 Kana u swaile sibaka, kacwalo kuli uye kwani ni ku lobala ni Yena, uli, “Mulena, ki Na yo”? Kipeto ki sikamañi? Aku hohe lisila leliswana lene lili ku Yena, fahalimwa hao.

145 Musali nako yeñwi naize ku Mulena luna, “Mulena, lumeleza bana baka bababeli ba bashimani, kuli alimuñwi uka ina kwa lizoho la bulyo, ni kwa lizoho la nzohoto, mwa Mubuso.”

146 Ki hali, “Kikuli wa kona kunwa komoki ye Ni nwa?” Ani kona manyando a buhali.

“Eeni.”

147 “Mi kana wa kona ku kolobezwa ka kolobezo yeswana ye Ni kolobelizwe ka yona?” Ku lobala fafasi, uhohe lisila leliswana.

148 Elia na ngezwi mwahalimu. Mi Elia a nepela fafasi lisila leliswana la na nani, ku apesa Elisha ka liemba zepeli za Moya wa hae. Kinto yeswana, ki likalulo zepeli fela. Mata a swana; hokusana hape. Hokusana hape, hakuna amatuna afita Ona; ki likalulo zepeli fela ku Zona.

149 Sina Mushe, fani ha na katezi, mukwenyana hae wa muuna ali ku yena, ali, “U katezi hahulu. Lapela kuli Mulimu ange Moya wa hao ni ku U beya ku babañwi.” Mi a lapela.

150 Mi ki Ha nga Moya ni ku U beya ku babañwi baba mashumi a supile mi ba ba mashumi a supile ba kala kupolofita. Neba sina mata ni amakana. Neba na ni mishini yeñata. Ku felile. Nto yeswana, neba na ni mishini yeñata.

151 Cwalo kona mo ku inezi, kacenu. Mutu alimuñwi hakoni kuezwa cwalo. Mulimu una ni mishini ya Hae ye beleka kai ni kai, kono ki mata a swana; mata a swana, Moya o Kenile o swana, Jesu ya swana.

152 Cwale, anga kubo, Moya o Kenile, fani ha na ti lo shwa ku yena. A swaya sibaka fa na shwezi, ko na lobezi kuli apumule.

Kipeto ki ha lobala, ni kunga kubo ye ne mu apesize ni ku hoha kuikapesa yona. Mi muuna yani a zuha, ali, “Ki mañi yo?” Yena ali. . . Musali ali, “Kina Rutu, mu Moabi, mutanga hao.”

¹⁵³ Mi ki ha zuha. Yena ali, “Ni zibile kuli u musali ya sephala.” Amen. Oh! Kana seo ha si lumangi fela silami nyana mwa moyo wa hao? “Wena u musali ya sephala.”

¹⁵⁴ Mi ki sikamañi sa na alabile? “Kono wena u mutu wa mwa lubasi.” Amen. “Wena u wa lubasi, wa kona ku ni ezeza, wa kona ku ni beya mwa pumulo. Ni tile kwanu mi ni to lobala fa, isiñi ka musali wa litanya. Ni lobezi fa, isiñi kuba ya iponisa; ku bonisa batu kuli Na kona kubulela ka malimi, ku bonisa batu kuli Na kona kubinela mwa Moya, ni ku bonisa batu kuli Na kona kuhuwa. Kono Ni tile kwanu kakuli u mutu yali bukaufi wa lubasi. Isiñi kubonisa kuli Ni kona kueza nto yeñwi yetuna; kono u mutu wa mwa lubasi lwa hesu. Ni tile kakuli u fakaufi wa lubasi, mi ki wena fela yakona ku ni liulula.”

¹⁵⁵ Mwabona mubonelo wa—wa baba fetuhezi ku Krete, kwa Keleke? Mwabona? Mwabona? “Ki wena wa lubasi.”

¹⁵⁶ Mi ki hali, “Wena u musali ya sephala. Mi Na ni fakaufi mwa lubasi. Cwale, i kapese kwateni. Lobala kufitela busa.” Whew! “Fela ikapese kwa kubo yeo. Na ni wa henu. Lobala foo kufitela kakusasana, katuluha.” Amen. Amen. “Kina wa fakaufi wa lubasi. Pumula!” Amen.

¹⁵⁷ Fani kakusasana ha u taha, li si ka pazula kale, a kubukanya libunda tuna la mabele, buima bo bu silezi, Na lumela neli yona, ni ku libeya mwa—mwa shawelo ya hae ni kuya kwa ndu.

Mi—mi Naomi ali, “Mwana ka wa musizana.”

¹⁵⁸ Kasamulaho wa zuha kuzwa kwa katala, ni kukuta. “Cwale ki sikamañi se si ka ezahala, ima? Ki sikamañi se si ka ezahala cwale?” Amen.

¹⁵⁹ “Pumula.” Amen. “Pumula, Rutu, kakuli muuna haana kuba ni pumulo kufitela ha sa felize tifo yetezi ya puluso.” Amen. Amen. Ona foo kona ko Ni yemi. Amen. Haana ku pumula kufitela A feza tifo yetezi ya puluso, ku ku liulula, lika kaufela ze ne u latehisize, lika kaufela ze ne uli zona.

¹⁶⁰ Cwale muhupule mulao wa puluso, halunze lutaha kwa kukwala, kwa mafelelezo a sebelezo. Mulao kaufela wa puluso ki woo, kuli, mutu a si ka liulula kale sibyana se si latehile, nana ni kuba wa lubasi wa fakaufi. Mi nto yetatama, nana ni kuba mutu ya kondile, mutu ya lukile, kuli aeze cwalo. Mi konakuli nana ni kuba ni masheleñi amañata nyana, kuli aeze cwalo. Mi konakuli nana ni kueza bupaki patalaza kuli na ezize cwalo. Mi kuzwa fani kuya kwapili, neli sibyana sa hae.

¹⁶¹ Kacwalo he mutalime. Boazi na yemela Krete. Cwale, Rutu u yemela Keleke, mina, balumeli. Mi cwale, Mulimu, mwa Testamente ya Kale, nzila fela ya Na ka taha ka yona ni ku to

liulula sene si latehile, Mulimu nana 'ni kutaha ku mutu wa lubasi. Mi nzila fela yeo Mulimu na ka to ba wa lubasi ku mutu, neli kuba alimuñwi wa bona. Amenii.

¹⁶² Ni shutanela ni Billy Graham, fa batu babalalu mwa toho ya Bumulimu, kamba muluti ufi kaufela wa za bulalu bwa bumulimu, ku zeo. Ni lumela mwa bulalu, eeni sha, kono isiñi ka mukwa o cwalo, bona kakuba batu ba balalu. Ki nto Iliñwi. Likande leo foo, fela, nelisina sika kwanda ona seo, sa kuli bonisa.

¹⁶³ Mulimu na tiloba mutu. Na na ni kuba wa lubasi. Mi Na si ke kuba Mulimu, ni luna baezalibi, libupiwa za Hae, ze kona kubupa libupiwa za Hae, 'kakuli ne lu si ke lwaba wa lubasi kwani. Kacwalo, Mulimu atoba mutu, kuli mutu akone kuba Mulimu, abe Mulimu. Amenii.

¹⁶⁴ Luna, kakuba batu, baezalibi, Mulimu atoba muezalibi, anga libi za luna fahalimwa Hae. Kusina kuziba libi, niteni nali muezalibi kakuli libi za luna ne li beilwe ku Yena. Kuli luna . . . Na tiloba na, kuli Ni be Yena. Mwabona? Na tiloba muezalibi, kuli Ni be mwana Mulimu. Na bile muezalibi, kuli ukone kuba mwana Mulimu. Mi cwale lu bana ba bashimani ni basizana ba Mulimu, kakuli Mulimu na ezizwe kuba wa lubasi foo ha Na ngile sibupeho sa mubili wa luna, na pepilwe ki musali. Mulimu! Isiñi mutu usili; Mulimu, Kasibili.

¹⁶⁵ Timotea Wapili 3:16 iize:

*. . . ki taba ye sa hanyezwi ya kuli kunutu ya bulapeli
ki yetuna: kakuli Mulimu u bonahalile mwa nama, . . .
Mulimu!*

*Kwa simuluhoo nekuna ni Linzwi, mi Linzwi nali ku
Mulimu, mi Linzwi neli Mulimu.*

Mi Linzwi a ezwa nama, . . .

¹⁶⁶ Linzwi, la ezwa butu, aba mutu wa mwa lubasi. A to ba mutu. Oh! A to ba lifu, kuli ka lifu la Hae Ni kone kuba Bupilo. Na bile muezalibi, kuli ka kuluka kwa Hae Ni kone kuba . . . ni Bupilo. A to ba mubotana, kuli Na, ka bubotana bwa Hae, Na kona ku fuma. Na bile sene Ni li sona, ili kuli Ni kone, kuya ka sishemo sa Hae, niba seo Ali sona. Oh, mawi! Kipeto, kubulela ka mata a Mulimu! Cwale, ao kona Mañolo luli. Mi seo kona sa bulela Mañolo.

¹⁶⁷ Kuli lukone kuba . . . Lilato mañi, Ndate u lu suluhezi, ku lu sululela, kuli luna bene bali baezalibi, bazwahule, kwahule ni Mulimu, lukone ku hohelwa bukaufi ni Mulimu, kuli mane lube bana ba bashimani ni basizana ba Mulimu, isiñi batanga. Keleke ya Bamacaba ha ki mutanga. Batili, muñaka. Keleke ya Bamacaba ki mwana wa mushimani ni wa musizana. Mu bana ba bashimani ni basizana ba Mulimu, baba amuhezi Moya o Kenile. Cwale, haiba mu sikwata sa ba Olipa, mi mukwenuhile

kuikela? Kono haiba mu fitile mwa Moya o Kenile, muba bana ba bashimani ni basizana.

¹⁶⁸ Cwale, bana ba bashimani ni basizana, ki mañi yana ni mata hahulu fapila Mulimu? Lingeloi ki sikamañi? Lingeloi ki mutanga. Ki niti yeo? Ki batanga ba Hae. Ki wena mañi? Mwana hae wa mushimani ni wa musizana. Ki mañi yana ni mata hahulu mwa Lihaliimu, kanti, muezalibi ya pilisizwe ka sishemo, kamba Lingeloi le li yemi bukaufi ni Yena? Muezalibi, ya pilisizwe ka sishemo, una ni mata hahulu mwa Lihaliimu kufita Lingeloi lelituna lene li yemi bukaufi ni Yena, kusina sibi, 'kakuli ki mwana. Mwana una ni mata hahulu kufita mutanga, eeni sha.

Oh, lu libala seo luli sona. Lu libezi, linako zeñata, se si lu ezize kuba seo luli sona. Kasamulaho lumano ba se luli sona, kipeto se lu libala mo lubezi fa. "Fani Mulimu Kasibili . . ."

Oh, ha ki lilato kwa bunde ni leo Ndate
Afa lusika lwa Adama lo lu wile;
Afa Mwana Hae wa libanda kuli a nyande,
Ni ku lu liulula ka muhau wa Hae.

Oh, mo lu zibela!

Mwahala macwe asweli kupazauha ni lihalimu
leli lififi,
Mupulusi waka u inamisa toho ya Hae mi wa
shwa;
Lisila le likwaluhile la patulula nzila
Kuisa kwa tabo ya Lihaliimu ni lizazi leliisa feli.
Ku Krete, ona Licwe leli tiile, kona fo Ni yemi;
Libaka zeñwi kaufela ki lishabati leli tiba.
Foo ha Ni alunguta za sifapano sesinde
Fo ne ku shwezi Mulena wa Kanya,
Ni talima sibi saka kuba mbango.

¹⁶⁹ Yeo ki niti. Alimuñwi naize:

Kupila, A ni lata; kushwa, A ni pilisa;
Kupumbekwa, A lwala libi zaka;
Kuzuha, A ni beya ya lukile kuyakuile:
Zazi leliñwi Wa taha, oh, ki lizazi la kanya!

¹⁷⁰ Ibile mukanga wa Keleke. Ibile sipuku sa Yona. Ibile pilu ya Yona. Lifasi le li tapisizwe ka Mali a Muliululi wa Lubasi yoo, ku to liulula lusika lwa Adama lo lu wile.

¹⁷¹ Mulemuhe, ki Yo fa, Muliululi wa Lubasi. Cwale, nto yapili, Nana ni kuba mutu ya swanela. Kimañi yana swanela kufita Krete, kufita Jesu? Konakuli, nto yeñwi, Nana ni kuba ni masheleñi. Nana ni kuba ya kona kueza cwalo. Nana ni Lihaliimu. Na bonisize kuli Na ezize cwalo. Na ngile linkwa zeketalizoho ni litapi zepeli, ni kufepa batu babakuma fa faifi sauzande, mane banopa buungululwa kutaza lizuma zeketalizoho, kasamulaho. Na kona kuka mezi fa lisima ni ku

a fetula kuba veine. Na kona kunga tapi mwa liwate, ni kunga mashelefi a muwayawaya mwa mulomo wa yona, ya gauda. Amen. Na si wa . . .

¹⁷² Kono Aba ya shebile, kutokwa sibaka sa ku sameza toho ya Hae. A to ba fakaufi wa Lubasi. Isiñi fakaufi wa Lubasi kwa bafumi; neli fakaufi wa Lubasi kwa batu kaufela. Anga sibaka sa muliululi.

¹⁷³ Kipeto ki sikamañi sa na ezize? Kipeto nana ni kuezwa bupaki bwa patalaza. Kakusasana lelitatama, Rutu ali, kamba, Naomi ali, “Pumula, Rutu, lika kaufela likaba fela hande cwale, kakuli u fumani sishemo fapila hae.”

¹⁷⁴ Mulimu, tuhela kuli ni eze cwalo. Tuhela kuli ni fumane sishemo fapila Hae. Kipeto fani kakusasana ha li pazula:

Foo tolombita ya Mulena ha ika lila, nako i
kabe ifelile,
Mi kakusasana halita pazula Kokusafeli,
kokunde mi busile hande;
Mi foo baba pilisizwe fa lifasi ha ba ta
kopanela mwabuse fa Likamba,
Foo mabizo a bizwa kwani, Ni kaba teni.

¹⁷⁵ Kupumula cwale, ku libelela puluso yetezi. Mulemuhe, Ni na ni Yona, ki—ki swalele ya Yona, cwale. “Ne ni shimbile kwa lapa sikocela sesituna sa mabele. Na fita kwani.” A mu fa zona, ali pima, ka buima bobusilezi. Silezi, kutalusa, “lilimo ze likiti zesilezi haisamba lifasi libatani.” Lizazi la mutu ki sikisi. Mutu na bupilwe ka lizazi la bu silezi. Ku kaba myaha ye likiti ze silezi yeo lifasi ne li bupilwe, mwa myaha ye likiti za busebene Mulimu a pumula. Lilimo ze likiti ze silezi zeo Keleke ika tundana ni sibi, ni Mata a Mulimu a linkwa za mabele zee, mi kipeto mu ka kena mwa Pumulo ya Kuyakuile. Kiniti. Pumula, mulibelele. Buima bo busilezi kwa mabele amande abeilwe mwani, kuli li mulwale kufitela nako ya kutalelela kwa piliso. Ni tabile hahulu ka kuikola zona.

¹⁷⁶ Cwale, kapili, ha lu fiteleni kwa mafelelezo a zona. Cwale lu fumana, cwale, kuli, kakusanana lelitatama, ha to zuha, na tabile, kulibelele. Mi muuna ataha. A shetumuka. Nana ni fakaufi wa lubasi yomuñwi yana bile ni sa kuezwa ku musali, pili. Kana Nina ni nako ya kufita ku zeo? [Kopano ili, “Ameni.”—Mu.] Kihande, fa muzuzu fela, mi lu ka amuhela siemba sa yona, nihakuli cwalo.

¹⁷⁷ Sani se si tatama mwa nguli, sani ne si na ni sa kuezwa ku wena, neli diabolosi, ’kakuli ne u ezize sibi. Mi pili ne u li wa hae, ’kakuli, ne uli cwalo, mu libyana za hae. “Kakuli ne mu pepezwi mwa sibi, ku bupiwa mwa bumaswe, mutile mwa lifasi inge mu bulela buhata.” Mi na si ka li liulula. Mwabona? Na si ka li liulula. Kacwalo, Krete ataha mi a ezwa mutu, kuli a takule libi za luna, ku to lu liulula. Kikuli mwa bona nji? Mi

muuna yomuñwi na si ka eza cwalo. Diabulosi na si ka shwela libi, kakuli nali yena mulyangisi luli ya na ezize sibi. Mwabona? Na sa koni. Na ka sinya sanda sa hae, mutu yomuñwi. Mi Satani na ka sinya sa hae, kakuli ki diabulosi. Na si ka ba diabulosi yomuñwi, kuli a zwise diabulosi fateni, diabulosi wapili. Na si ke aba sibi, 'kakuli nali kale sibi. Kono, Kreste, kakuba yasina sibi, aba muezalibi. Na ka lu liulula. Haleluya! Lu liuluzwi. Lu *liuluzwi*, kotalusa kuli, “ku kutisiwa hape.” Lu liuluzwi.

¹⁷⁸ Kacwalo, habusa kakusasana, kipeto nana ni kuezza bupaki patalaza. Na ilo katanyeza muuna yo fa munyako, fapila babahulu. Mi neina ni kuba mwa sibaka sa sicaba. Mi a mu talima mwa pata. Ki hali, “Kana wakona ku mu liulula?” Cwale, haiba nana ni kuliulula Naomi sapili, kuli akone kunga Rut; mi Kreste nana ni ku liulula keleke ya Majuda, pili, ili kuli abe ni Munyaliwa wa Bamacaba. Na tile ni Naomi, sina muzwahule yazwa kwa naha yeñwi, mu Moabi, mahedeni. Sani kona sene luli sona, Bamacaba, mahedeni. Mi muhupule, nana ni—nana ni kunga Naomi. Mi foo hana ngile Naomi, anga kaufela zana nani.

¹⁷⁹ Muhupule, fani ha na tile Kreste, Na si ka bulela ka za Keleke ya Bamacaba. Neli cwalo, kuya ku ba Hae tota, “Na tile ku ba Hae tota. Ba Hae neba si ka Mu amuhela.” Na li kamita ku ba Hae tota. “Musike mwa ya ka nzila ya Bamacaba. Musike mwa ya kwa Samaria, kono muye mane kwa lingu ze latehile za Isilaele. Mi hamunze muya cwalo, mukutaze Evangeli, mufolise bakuli, muzuse bafu, mu leleke madiabulosi. Ku amuhela kusina tifo, mufane kusina tifo.” Kana ku cwalo? U ba lumezi, bababeli ka bababeli. Muye pili. . . Mi Nana ni ku liulula keleke yani. Mi foo ha Na liuluzi keleke yani, Anga Munyaliwa wa Bamacaba. Amen. Yani neli yona kutwano ku zona. Mwabona? Na ngile Munyaliwa fani ha Na liulula keleke.

¹⁸⁰ Cwale, Boazi, nana ni kuezza palaza kwa sicaba. . . Mi ali, “Kana wakona ku mu liulula?”

Ki hali, “Batili.”

¹⁸¹ Konakuli nana ni kuezza bupaki patalaza. A tubula likatulo la hae, ni ku li yumbela ku yena. Ali, “Ki fo he cwale. Isilaele kaufela a zibe kuli Ni liuluzi Naomi, mi hape Ni nga Rut.” Amen. “Ni nga Rut ku munyaliwa waka.” Neli mañi yani? Mulena wa kutulo. Amen. Ki yani fani. “Ni liulula Naomi, mi Ni nga Rut. Mi Rut ukaba munyaliwa waka.”

¹⁸² Ki sikamañi sene ba bulezi? “Mane abe sina—sina Lea ni Rahele ni babañwi bani, ahulise likitikiti,” mi ubile cwalo, yeo ki niti, “ku Isilaele. Mane abe ona cwalo.” Mi, mutalime, na ezize tatubo, bupaki bwa patalaza.

¹⁸³ Ki sikamañi sa na ezize Jesu, kuezza cwalo? Na ezize bupaki bwa patalaza. Foo, Satani na sa koni ku shwela libi kakuli nali muezalibi. Ki ndatahe wa sibi. Kono, Jesu, yena Ya sina mulatu, Mulimu wa Lihlimu, Yana sa lukeli kushwa, ataha fafasi ku

to fa bupaki bwa patalaza ka kushwa, na nanuzwi mwahala lihalimu ni lifasi. Bupaki bwa patalaza; ba Mu tubula liapalo za Hae, ni ku lepelela mwahala lihalimu ni lifasi, mwa maswabi. Mi a shwa, lifu la sibi, lifu le li swabisa, ku lu liulula. Bupaki bwa patalaza! Ameni.

¹⁸⁴ Ki sikamañi sa Na eize? A hana kuluka kwa Hae; a hana kanya ya Hae tota. A li hana . . . “Nina ni mata. Ne ni ka bulela Ku Ndate, mi kapili Na ka Ni lumela limpi ze mashumi amabeli za Mangeloi.” Neika cinca lika. Lingeloi li liliñwi ne li ka eza cwalo. Na ka biza limpi ze mashumi amabeli. Zani neli kaba mwendi Mangeloi aeza likiti ze mashumi amane. Ki sikamañi sene a ka eza? Ki hali, “Ne ni ka bulela ku Ndate, kapili, yeo ki niti cwale, Na ka Ni lumela mpi ya masole baba mashumi amabeli. Limpi za Mangeloi li ka taha fa ku to yola se.” Ki sikamañi seli kona kuezza liliñwi? Liliñwi la kona ku sinya lifasi, mwa muzuzu nyana. Mutalime fela, Nana ni likiti kiti ze ne ka taha. Mwabona? Kono A hana zani. A beya zeo kwatuko. Na beile butokwa bwa Hae kaufela, lika kaufela, kwatuko, ni kuba muezalibi mi shwezi wena ni Na.

¹⁸⁵ Cwale, ka kukwala, lwakona kubulela cwana, ka kukwala. Na eize—na eize cwalo. Kipeto anga Ruti, mi amunyala. Mi apepa mwana mushimani yabizwa Obedi. Obedi neli ndatahe Jess. Jess neli ndatahe Davida, yanali ndatahe Kreste, ameni, ndatahe Mulena Jesu.

¹⁸⁶ Kana ha mu boni nji? Kuya ka kuluka kwani, kuya ka keto yani ye namile, U ba Muliululi wa luna wa Lubasi. Mulimu na ti lo ba wa lubasi, ku taha fafasi ni ku to eziwa sina luna, mutu wa butu, autwa tala, ashwa linyolwa. “Ni nyolezwi. Amu Ni fe kwa mezi.” Mi ba beya vinega mwa mulomo wa Hae, inge itapisa. Na nyolezwi sina mo ne lubelanga. Na ziba mwa kuezza kusina.

¹⁸⁷ Na kula sina luna mo lubelanga. Ki hali, “Kikuli habana ku Ni bulelela nguli ya kale kuli, ‘Mualafi, u folise?’” Kono mata a Hae amatuna ne si a Hae. Nana ni mata a kuezza cwalo, kono Na sa itusisi zona ku Yena kasibili. Batili.

¹⁸⁸ Yomuñwi naize kuna, zazi leliñwi, ali, “Muzwale Branham, sika kaufela si si ka ezahala kale, wa ziba kaufela ze ka ezahala ku wena.”

¹⁸⁹ Se nili, “Mpo ha ki ya ka. Hani koni ku itusisa yona na muñi.” Ki za mina. Ki mina baba fumana bunde, isiñi na. Na ni mutanga wa Mulimu fela ya zibahala, ku wena.

¹⁹⁰ Mukutazi ki mutanga wa sicaba. U ipeile fela fo kucwalo. Inge lipalisa la mwa simu, muka ya lipalisa ya fufela mwateni, kuikungela siemba sa yona. Muka ya linsi ya fufela mwateni ni kuikungela za yona. Mufiti wa nga za hae, ni lika kaufela. Wa ikataza, musihali ni busihu, kuli abuluke lumonyi lwa hae. Mi mukutazi wa Evangeli ueza lika zeswana, u zamaya mwa mukoloko wa Mulimu, yana sweli bupaki bwa hae kuba bwa

niti, kuli lifasi likone kuca ku yena, mwabona, Bo. Mulisana Mutungulu. Ki yomunde. Jesu ali, “Amu mubone. Solomoni ha swani ni yena.” Yeo ki niti. Dr. Mutungulu, Na sepa kaufela mina mwa mu ziba. Mwabona?

¹⁹¹ “Mubone lipalisa za mwa simu, mo li ikataleza ni kutata bwanda, kamba mane. Ni li, mi, niteni, Solomoni, kanya ya hae kaufela. . .” Mutungulu una ni ku ikataza, musihali ni busihu, ku fumana lumonyi lwa kubuluka liapalo za hae, kubuluka sende ni lika zeñwi ze sweli kuezahala. Mi babañwi. . . U ikwalula fela ili yena, mi ba taha ni ku to li zusa ku yena. Muka ni nzinzi, ni lika kaufela, litahanga fela, zende kamba ze maswe, li fufanga fela ku yena.

¹⁹² Cwalo kona mwa inezi mutanga, wa Kreste, mutanga wa Mukreste; wa ikwaluhelanga ili yena, “Aku ninge fela kuzwa ku na, lifasi.” Hakuna sika sa hae. Ki sa babañwi. Sani kona sa na bile sona Kreste foo ha Na bile fakau fi wa lubasi lwa luna. Na tiloba mutu, kuli lifasi likone ku ca kwa kuluka kwa Hae, mwabona, ni kueziwa bana ba Mulimu.

¹⁹³ Cwale, ki sikamañi sene ba ezize? Neba nyezwi, mi ka sani kwataha nto yetuna ye. Kipeto Ruti a fiwa mupuzo, ka kunga Kreste. . . kamba kunga Boazi ka muuna hae. Ili, Keleke ifilwe mupuzo, ka nako yeo Kutaha kwa Mulena ku ka taha, kakusasana osina malu. Lwa pumula, lwa libelela cwale. Li ka taha. Cwale, kiñi? Li liuluzwi.

¹⁹⁴ Cwale, taba iliñwi fela Ni si ka zwa kale, ka kukala mukoloko wa litapelo. Taba iliñwi fela. Na talima kubata, kakusasana cwana, linzwi le lili *liulula*. Na fela. . . Mu ni swalele, mizwale baka ba Arminian, kono Ni lukela fela kubeya se mwateni; isiñi ku mifikanya, kono ki ku mi eza fela kuli munahane. Mutalime seo *puluso* italusa. Puluso, kaniti itusisizwe, mwa linzwi la Sigerike, ka kunga mutanga kwa musika. Hani koni kupeletela linzwi la Sigerike cwale, kono litalusa kuli, “kunga mutanga kuzwa kwa musika,” ku *muliulula*.

¹⁹⁵ Mutu uezize mafosisa, kacwalo, yena, mulena hae amu lekisa mwa butanga, kaniti kuisa lifu. Mi uinzi mwa musika, ki mutanga. Kono mutu ha taha cwalo, mutu ya swanela kueza cwalo, ni kufumana muuna yo, ni kufumana sishemo fapila hae, wa mu liulula. Seo si mu zwisa kwa kuba mutanga fa musika, ni ku muisa kuyena kasibili. Mulemuhe. Mi mutanga yani, ha liuluzwi, ha koni ku lekiswa mwa musika hape. Amen. Hakoni ku lekiswa hape. U beilwe swayo. Mi haiba na hupulwa hahulu, nako yeñwi, kuli a liululwe, hakuna yakona, ali kuba, ku mu lekisa hape kuba mutanga.

¹⁹⁶ Oh, tumbo ibe ku Mulimu, kuli mutu foo ha sa tile ku Kreste mi u liuluzwi ka Mali amande, diabulosi hakoni ku kueza mutanga hape. U silelelizwe mwa Mali a Jesu Kreste kuisa lizazi la kuliululwa kwa hao. Mutanga, mu i talime mwa Exoda, mi

mu batisise haiba yani ha ki milao ya Malivi. Ni talusa, mwa Levitike, mubone haiba yeo ha ki milao. Mutanga, ha liuluzwi, ha koni ku lekiswa hape kuba mutanga. Yeo ki niti.

¹⁹⁷ Oh, Ni tabile hahulu! Ni tabile hahulu ka kuziba kuli Muliululi waluna wa Lubasi, kuli Mulimu wa Lihalimu, Yanali Moya, ataha mwa lifasi mi a eziwa nama; a eziwa sina Na, a eziwa sina wena mo uinezi; ni kunga sibupeho sa nama ya sibi, kusina kuziba sibi, kuli libi za luna li ine ku Yena; mi aba wa lubasi ku luna, a eza bupaki bwa patalaza kwa sicaba ka kushwa, alifa teko yetezi.

¹⁹⁸ Mi paki ya Moya wa Mulimu inze i kutisa. Tempele ne i pazuhile, lisila, kuzwa fahalimu kuisa kwatasi. Isiñi kuzwa kwatasi kuisa kwahalimu, kono kuzwa kwahalimu kuisa kwatasi; kubonisa kuli neli Mulimu, Kasibili, yana ipazuzi, kuzwa kwa Lihalimu. A li pazula kuzwa kwatasi, ni ku kwalula nzila. Mi masitina a sitabelo na futukile, ni mamonyi inge a monyeha mwa mbyumbyulu, mwahalimu. Lizazi la likela mwahala musihali tuna. Linaleli za hana kumonyeha. Mi lika kaufela zafa bupaki, “Lu liuluzwi.” Haleluya!

Halu lapeleñi. [Muzwale ufa pulelo ya sipolofita—Mu.]

¹⁹⁹ Ni litoho za mina ze inami cwale, fa nako nyana fela. Sani neli kubulela ka sipolofita, kubiza kwa keleke, kasamulaho wa Liñusa.

²⁰⁰ Cwale haiba kuna ni babañwi mo ba ba sa Mu zibi, bupilo bwa mina ha bu si ka luka, mu memilwe cwale kuli muyeme fapila sicaba se, pata ya Mulimu, ku Mu amuhela kuba Mupulusi wa mina. Mezi ateni mwa lisa la kolobezo. Haiba mutu yomuñwi ulibelela kukalisa sebelezo ya kolobezo, ona fa cwana.

²⁰¹ Halunze lu inamisize litoho za luna, lu ka nga nako cwale ka kuopela kuli *Ni Ya Ni Fita*, ni litoho za mina ze inami cwale.

Ni ya ni fita, eeni, Ni ya ni fita,
 Ni ka lifa tifo kaufela se ba eza babañwi,
 Ni ka ya ka nzila ni babanyinyani baba
 kendilwe ba Mulena,
 Ni kalile ni Jesu, mi Ni ya ni fita.
 Ni ya ni fita, eeni, Ni ya ni fita,
 Ni ka . . .

Kikuli mutalusa ona cwalo cwale? Haiba mueza cwalo, mutahe kwanu mi muyeme.

. . . kaufela se ba eza babañwi,
 Ni ka nga nzila . . .

Kana mu itukisize ku swalelela?

. . . za Mulena . . .

Sina Naomi wa kale?

Ni kalile ni Jesu, mi Ni ya ni fita.

Kuzwa mwa sicelo sa mwa Betelehema kwa
 taha Muenyi,
 Fa lifasi Ni lakaza kuba inge Yena;
 Mwahala musipili wa lifasi kaufela kuya kwa
 Kanya
 Ni kupa fela kuba inge Yena.
 Kuba sina Jesu . . .

U bata kuba sina Muliululi wa hao?

. . .sina Jesu,
 Fa lifasi Ni lakaza kuba inge Yena;
 Mwahala musipili wa lifasi kaufela kuya kwa
 Kanya
 Ni kupa fela kuba inge Yena.
 Libenye ku na, Mulena, libenye ku na,
 Liseli le li zwa kwa ndu ya maseli libenye ku
 na;
 Libenye ku na, Mulena, libenye ku na,
 Liseli le li zwa kwa ndu ya maseli libenye ku
 na.
 Kuba sina . . .

Kikuli kuna ni yomuñwi hape yo tabela kuba sina yena,
 kwanda Hae? Kikuli hokusana ya taha mi akubame ni musizana
 yo, hanza kubama? Kunga, sina Ruti wa kale, mwa mungela
 kakusasana cwana.

. . .sina Yena;
 Mwahala . . .lifasi kaufela kwa Kanya,
 Ni kupa fela kuba inge Yena.
 Kuba fela inge Jesu . . .

Yomuñwi hape atahe cwale. Zamaya kwanu mi ukubame,
 sina kalibe yo mwa ezelize fa. Kana mu kalile? Kikuli muka beya
 mazoho a mina ku za Hae?

. . .Ni lakaza kuba inge Yena;
 Mwahala musipili wa lifasi kaufela kuya kwa
 Kanya,
 Ni kupa fela kuba inge Yena.

[Muzwale Branham ukala kuñuñuna kuli *Kuba Sina Yena*—Mu.]

²⁰² Ndata luna yakwa Lihalimu, foo keleke ha isweli ku ñuñuna
 pina yeli, “kuba sina Jesu,” musali yo, kakusasana cwana, u
 tile, sina Ruti. Ina Bell, inza taha sina Ruti wa kale. Hakuna
 taba kamba tifo i cwani, utile ku to lifa. Hakuna taba kamba ki
 sikamañi . . .mwa lukela kusehelwa, kamba ku boniwa bukuba,
 usweli kunga sibaka cwale, u yemi fa, u ipulela libi za hae.
 Ku kubama fafasi, kuswaya sibaka koo Mulena yomutuna wa
 kutulo na lobezi fa sifapahano. Mi kwani kuli a amuhele Moya

wa Hae, sishemo sa Hae sa bulela ku yena sina Linzwi mo ne li zamaezi, sina Naomi wa kale, inza laela. Mi La nata ya lukela, ona sibaka se si lukile. Mi cwale utaha kwa kunga sibaka sa mulumeli, ku kubama fa sifapahano, fani ko ipulela libi za hae, ku beya kwatuko lika za kale kaufela za bupilo, mi kuba sibupwiwa sesinca ku Krete Jesu.

²⁰³ Lwa lapela, Ndate, kakusasana cwana, kuli mutu kaufela ya yambaezi mwa muyaho wo, muuna kaufela, musali, mushimani, kamba musizana, ya sa Ku zibi, usike wa tuhela kuli Manzwi a afitelele, Mulena. Ha lu zibi fela kuli ki hola mañi ye lu lukela kutaha mwa Katulo. Ikona kuba cwalo ni kacenu kuli buñata bwa luna lu lukela kutaha. Mwendi lu si ka fita kale kwa ndu, kozi ya fa mukwakwa ika ezahala. Mane . . . Butuku bwa pilu bu lu tahela. Ha lu zibi. O Mulimu, halu itukiseni, hola ye, fo Moya ha u sali fa, halunze lu ba ni bupaki kuli Uteni mo, foo Mulimu wa Lihalimu, mwa sishemo sa Hae kaufela se si sa palelwi sika, uteni mo ku to lu kenya mwateni.

²⁰⁴ Lufe kwa sishemo sa Hao, Mulena. Luma babañwi, kakusasana cwana, kwa aletare, ni kuamuhela Krete kuba Mupulusi, sina musali yo ha eza cwale. Lumeleza cwalo, Mulena. U mu utwele butuku, ka kuziba kuli sicaba sa habo . . . Muzwale wa hae uteni fa katala fa nina. Kezela hae, Wood, ya inezi kwa mulaho kwani; bo mahe ni bo ndatahe babainzi mo. Mulena Mulimu, Ni lapelela sishemo. Lumeleza cwalo, Mulena. U ziba ze Ni talusa mwa pilu yaka. Ni kupa kuli kusuluha kwa Mali a Hao, ka sishemo, kutahe cwale ka hola ye. Lumeleza cwalo, Mulena. Lumeleza, halunze lu libelela babañwi, mane babañwi ha ba tahe, ni bona, Ndate, mi mu kutiseze ku Mulimu ka Krete.

²⁰⁵ Mi cwale, foo halunze lu libelela cwale ni ku komoka, lu ka opela hape.

Libenye ku na, O Mulena, libenye ku na.

Tuhela Liseli lani leli zwa kwandu ya Liseli
libenye ku na.

Ku lukile. Eehe.

Libenye fa . . .

Kikuli kukaba yomuñwi ya ka taha?

. . . libenye ku na,

Tuhela Liseli le li zwa kwa ndu ya Liseli
libenye ku na;

Libenye ku na, Mulena, libenye ku na,

Tuhela Liseli la Hao kuzwa kwa ndu ya Liseli,
libenye fa . . .

Si ka Ni eza sikamañi?

Kuba sina Jesu, kuba sina Jesu,
Fa lifasi Ni lakaza kuba inge Yena;

Mwahala musipili kaufela wa lifasi kuya kwa
Kanya
Ni kupa fela kuba inge Yena.

²⁰⁶ Mulimu Ndate, boo luli kona bupaki bwa luna. Mulena, lu bata kuba sina Yena, ya musa mi ya ishuwile, ya ikokobelize, yomunde, kamita u swalelanga baba Mu nyandisa ni kueza mafosisa. Lu—lu bata kuba ka nzila yeo. Lwa itumela ku Wena ka musali yo yana tile kakusasana cwana. Kana lu ziba kuli bupilo bo bu kaba cwani, kasamulaho nyana? Mwendi mwahala mafosisa a hae kaufela ni lika zeñwi mwa bupilo, sina mo lu ezelize kaufela luna, ka kuba bona haba nwela mwatasa muunda kakusasana cwana. Na lapela, Mulimu, kuli musali yo uka pila bupilo bo bu ipile bo bu ka etelela balikani ba hae kwa kutwisiso ye. Mane asike a yemela fa, kono azwelepili mwa naha ya sepiso, kuswaya sibaka ni ku lobala fafasi, ku amuhela Moya o Kenile kwani. Lumeleza cwalo, Mulena.

²⁰⁷ Haiba kuna ni yomukana mwahali mo, Ndate, ya lukela kutaha, mi ya si ka taha, Moya wa Hao usike wa ba siya. Mane batokwe pumulo, musihali kamba busihu, kufitela ba taha, ni bona, ba eze buiketelo bo buswana boo. Isiñi kuba ya halifa, Mulena, kono, O Mulimu, ka kuziba se ba tonda. Kuziba se si kaba mwa Lizazi lani, ku Mu utwa ha bulela kuli, “Amuzwe ku Na, mina baezi ba ze maswe. Kakusasana wani, kwa mukwakwa obizwa Eighth ni Penn Street, ne Ni ku bizize, mi ha u si ka taha.” O Mulimu, ha ki hola kwa kusabisa ni yeo yene kaba ku bona, foo ha lu beilwe fa sikala mi lwa fumanwa kutokwa bukiti. Ndate, lumeleza kuli zeo halina kutaha ku mutu kaufela yali Fapila Bumulimu. Mane kaufela bona ba piliswe. Lwa kupa ka Libizo la Jesu. Amen.

²⁰⁸ Lu bata kuitumela ku Mulena, kakusasana cwana, ka bunde bwa Hae ni sishemo. Na itumela ku mina kaufela ka tibeledo ya mina, ya ku libelela nina fa nako yetelele.

Kezeli Ina Bell. Na...Kezeli Wood, yani ki kezela hao, Muzwale Charlie. Se ba lapelela, ni se lu lapelezi, fa nako yetelele. Kezeli Ina Bell, kana wakona kuyema, fa nako nyana? Yani ki Kezeli Wood... Musepahali waluna mo kwa keleke, yani ki yena mulamu wa hae wa musali, ya amuhezi Jesu kuba Mupulusi wa hae kakusasana cwana. Mi ki litapelo zekai ze bile... Mulimu aku fuyole, Kezeli Ina Bell. Ni sepa kuli Ni bulezi libizo la hao hande. Kana ku cwalo? Mulimu aku fuyole kamita, kezeli yomunde. Mi haiba wa li kuba u kolobezwe ka Libizo la Jesu Kreste, Ni ku susuweza kueza cwalo, ni kuamuhela Moya o Kenile.

²⁰⁹ Mulimu abe ni mina kamita, ku fuyola muuna hao yomunde foo. Ni mu katani, mazazi nyana afitile. Haiba ha Ni lyanganisi, libizo la hae ki Stanley. Kana ku cwalo? Stanley. Mulimu aku fuyole, Stanley. Ndu ki yende, kono Ni lumela kuli ikaba ye

munati cwale kufita sapili. Mulimu abe ni mina kaufela, mi—mi amife sishemo sa Hae ni muhau, mazazi kaufela a bupilo bwa mina. Mi mulatelele cwalo ni Mulena. Mube sina Ruti cwale, Ina Bell, mu kumalele katata ku Lona. Muzwelepili fela kuya. Fokuñwi ikona kuba tata, mi linzila li ka tima. Kono, muhupule, mutalime fela fafasi, mi ni kutalima mwa halimu mwa mbyumbyulu, u ka fumana mutala wa Mali olatelela ka kukambama cwalo fani. U ka zamaya a etelele mwa nzila.

²¹⁰ Cwale, oh, seli musihali kale, twelufu kiloko. Kana mu sa itakaleza kuba ni mukoloko wa litapelo? [Kopano ili, “Ameni.”—Mu.]

²¹¹ Billy, ki kai, ki mufuta mañi . . . ? Kana ufile makadi a litapelo nji? Na—Na li kuba . . . Ni sepa u ni bulelezi kuli ufile tapelo . . . Kihande, neli sikamañi sani? Yomuñwi ani bulelele liñolo ni linombolo mo ne liinezi. [Muzwale uli, “Ki yo wa taha.”—Mu.] Sikamañi? [Muzwale Billy Paul uli, “B.”] B. B, wani kuisa fa mwanda? Fifite kuisa fa mwanda. Ku lukile. B, nombolo yapili. Ba nani . . .

²¹² Cwale, luna ni undi wanyangela, kacwalo halukoni ku . . . Lu ka ba yemisa kaufela bona, mi lu ka ba fitelela fela ona cwalo, ha Ni sweli ku ba lapelela.

²¹³ Cwale, ki ba bakai baba si ka bona kale ulimuñwi wa mikoloko ya litapelo? Ha lu boneñi mazoho amina, ya si kaba kale abe ku iliñwi ya mikopano yaka, kwa mukoloko wa litapelo. Oh, mawi! Ba bañata ba mina.

²¹⁴ Kihande, cwale, lwakona fela kulapelela sicaba, kamba lube ni temuho, kamba haluna kuba ni mukoloko wa litapelo ni hanyinyani; ku ba biza fela hande, mwahala sicaba. Hakuna taba. Moya o Kenile uteni mo. Eeni, muñaka. Kono ha lu yemeñi mwa mukoloko wa tapelo.

Nombolo yapili, ki mañi yana ni nombolo yapili, kadi ya tapelo B? Nom- . . . Fifite. Mu ni swalele. Hakuna yana ni iliñwi, eeni sha. Ku lukile. Kadi ya tapelo ya mashumi aketalizoho, ki mañi yana ni yona? Taha kwanu, muñaka. Kadi ya tapelo ya bubeli . . .

Fifite-wani, fifite-tuu. Kadi ya tapelo ya fifite-tuu. Ku lukile. Fifite-sili. Fifite-sili. Ku lukile. Fifite-foo.

Mutahe neku le, ona kulo *kwanu*. Haiba muinzi kwa mulaho, mutahe kulo neku le, ona *kwanu*.

Fifite-wani, fifite-tu, fifite-sili, fifite-foo. Ki mañi yana ni fifite-faifi, kadi ya tapelo fifite-faifi? Kalibe, ona kulo *kwanu*. Kadi ya tapelo ya bu fifite-sikisi.

Yema, kwa matuko a limota, ona *foo*, haiba ukona.

Fifite-sebene, fifite-eiti, fifite-naini, sikisite. Sikisite-wani, sikisite-tuu, sikisite-sili, sikisite-foo, sikisite-faifi.

Busty, kena mwahala lipula zeo foo, muzwale, ona *foo*. Ku lukile. Aku sikuluhele kwa silyo mwahala zona.

Ki babakai baba sina kadi ya tapelo, mi mubata kuli Mulena ami folise? Mu nanule mazoho a mina. Ku lukile. Kona fela ze mu lukela kueza, mulumele fela zeo cwale. Mulumele fela. Ku lukile.

Fifite-sikisi. Kana Ni bile ni yona? Fifite-sebene, fifite-eiti, fifite-naini, sikisite. Ha ba yeme.

Sikisite-wani,-tuu,-sili,-fo,-faifi. Mutuhele ba yeme. Sikisite-sikisi, sikisite-sebene, sikisite-eiti, sikisite naini, sebente. Ha ba yeme.

Hani lati kuli kaufela bona ba matele ka nako ilinwi, kona libaka le Ni bizeza nombolo, kuisa ku baba mashumi asupile.

Sebente kuisa eite, muyeme. Mutahe kulo kwanu, kwa neku *le*, sebente kuisa eite. Ku lukile. Ilinwi, zepeli, zetalu, zene, zeketalizoho, silezi, supile, eiti, naini. Ku lukile.

Eite kuisa nainte, muyeme *fa*. Doc, u ba tuse kwa mulaho kwani, haiba wakona. Eite kuisa nainte, muyeme kwa neku *le*.

Nainte kuisa mwanda, muyeme kwa neku *le*, ona *kwanu*. Ku lukile.

²¹⁵ Ha banze ba yema mukoloko cwalo, Ni tabela kubuza keleke nto yeñwi. Ki baenyi babakai babali mo, mane ba li kuba ba be nihaiba ku ilinwi ya mikopano yaka haisali? Ki babakai ba mina? Ki ba bakai baba ziba kuli hakuna mutu yakona kufolisa yomuñwi, mane nehaiba dokota? Batili, muñaka. Dokota ha ki mufolisi. Yena utuseleza fela ze bupilwe. Mulimu ki mufolisi. Mwabona? Dokota wakona kubeya lizoho, kono hakoni kufolisa lizoho. Dokota wakona kuzusa lila, kono isiñi kufolisa sibaka kwa lipumile. Dokota wakona ku kumula liino, kono isiñi ku tuhelisa mali kungonga, kamba ku li folisa. Mulimu una ni kueza cwalo. Ku lukile.

²¹⁶ Ki ba bakai baba ziba cwalo, foo Jesu hanali fa lifasi fa, kuli Na si ka ipiza kuli ki mufolisi? Na li Mutu. Na ize, “Ha ki Na ya eza misebezi, kono ki Ndate Ya pila ku Na, Ya eza misebezi.” Kana ku cwalo? Ki babakai baba ziba, fani ha Na li fa, sikamañi, ka mo. . . Ki musebezi wa mufuta mañi wa Na bile ni ona foo ha Na li fa? Na ezize sa na Mu bonisize Ndate kueza. Kana ku cwalo? [“Ameni.”] Ki ba bakai baba ziba, baba ziba cwalo? Muñoli Joani 5:19, Na ize, “Kaniti, niti, Ni li ku mina, Mwana hakuna sa kona kuikezeza Iliyena, kono ki Sa bona Ndate a eza.” Kana ku cwalo? [“Ameni.”] “Kona sa eza Mwana, ni yena.”

²¹⁷ Cwale, kipeto, kana Jesu Krete ki ya swana maabani, kacenu, ni kuyakuile? [Kopano ili, “Ameni.”—Mu.] Kana mwa lumela cwalo, ka lipilu za mina kaufela? [“Ameni.”] Yena wa swana maabani ni kuyakuile. Kana mwa lumela, kuli, Jesu Krete kakuba ya swana maabani ni kuyakuile, kuli seo si talusa kuli Yena luli wa swana? [“Ameni.”] Ku lukile.

218 Kana U swana cwani? Wa swana mwa milao kaufela. Kana ku cwalo? Ki Mulimu ya swana, ki Mufolisi ya swana, ki—ki Mupulusi ya swana. Ki ya swana, mikwa ye swana. Zeo kaufela za swana. Kana ku cwalo? Ki nto yeswana. Ku lukile. Konakuli, haiba Nali ya swana, mi ki ya swana, Uka eza ni kueza ze swana. Kana ku cwalo? Cwale, ki ba bakai baba ziba kuli yeo ki Niti?

219 Ni ka nga fela nako nyana fa. Na libelela. Ha si bonahali, ku na, inge batu baba mashumi aketalizoho baba yemi fani. (Iliñwi, zepeli, zetalu, zene, zeketalizoho, zesilezi, zesupa, eiti, naini, lishumi, ilebene, twelufu, setini, foutini.) Batili. Babañwi ba bona hakulata ne ba ile kwa hae, ka kuitahanela. Ni boni batu ha ba zwa kwani. Ku lukile, ona fa, mukoloko wo mukuswani wo. Ki babakai baba tabela kuba ni se? Ki babakai baenyi kuna, mwa mukoloko wani? Nanula lizoho la hao, uziba kuli hakuna se Ni ziba ka wena. Nanula lizoho laka . . . la hao.

220 Ki babakai kwande kafoo, baenyi, baba ziba kuli hakuna se Ni ziba ka wena? Nanula lizoho la hao, kuli wa kula. Ku lukile. Ki babakai baba tabela kubona mukoloko wa temuho, kacwalo kuli lu akufe fela mi lu kene? [Kopano ili, “Ameni.”—Mu.] Kana mwa tabela . . . ? Cwale, hakuna taba. Na kona fela ku ba lapelela, ku ba tisa hande mwa mukoloko. Kamba, bakona kuina fafasi, kuya fela ni kuina fafasi. Hakuna taba. Moya o Kenile wakona ku li lemuha, ka kuswana fela. Kana mwa lumela cwalo?

221 Cwale, konakuli, haiba ku cwalo, konakuli mu kutumane fela, fa nako nyana. Se ni liyeha nyana, kacwalo muine fela mwali kukuza, fa nako nyana. Ni bata ku mi buza nto yeñwi cwale.

222 Na kona kuba fa maiki ye fosahalile fa. Sibeli sa ona a lukile? Sibeli sa ona ba lu teezeza, ku lukile, ni yona *ye*? [Muzwale uli, “Eeni.”—Mu.] Ku lukile.

223 Cwale, amu kuze fela, fa nako nyana. Ni ka talima mwa mukoloko wo, kubona haiba Na ziba mutu ufi kaufela.

224 Ni ziba mutangana ya yemi *foo*. Cwale, Na ziba Earl. Earl, Na ku ziba, Earl Colvin. [Muzwale Earl Colvin uli, “Ha ni yo mwa mukoloko wa litapelo, niteni, Muzwale Bill. Ni tisize mulikana luna kuzwa kwa Jeffersontown.”—Mu.] Oh, eeni, eehe, muuna yani kwanu. Kana yani ki yena muuna yene lu zuma ni yena, kwani mwa Colorado? [“Hakulata hamuna ku lu ziba, lu fokozu hahulu.”] Oh, mawi! Na kaniti hani zibi. Ni lumela kuli Earl na ni bulelezi kuli no kula hahulu, mi utile. Cwale, haiba haukoni kuyema nako yetelele, tuhela yomuñwi akuiseze sipula *foo*. Kamba, babañwi ba bona—babañwi ba bona ba nanuhe ni ku mu fa sipula ona *foo* bukaufi, ku kaba hande, ’kakuli muuna wateni luli, wa kula luli. Mawi! U latehisize lipaundi ze mwanda kamba kufitelela, za bukiti. Mi—mi yena—yena luli, wa kula luli. Cwale, mu mutuhele fela aine ona *foo*, ’kakuli . . . Ni itumezi, muñaka, muzwale.

225 Cwale haluboneñi ni talime fafasi. Cwale, Earl na yemi fela ni yena. Cwale, muuna *yo*, ya yemi kwa mulaho kwani, yasweli ku ni talimela, uzwelela kwa La—LaGrange, Kentucky. Ha ni zibi libizo la hae, kono Na—Na—Na mi ziba. Mi yani ki Muzwale ni Kezeli Kidd kwani. Na ba ziba. Mi kalibe *yo*, kiniti . . . Kana ki yena Kezeli Rook yani? Kamba . . . [Muzwale Neville uli, “Kezeli Hardy.” Kezeli uli, “Kina Kezeli Taylor . . . ? . . . ni Hattie.”—Ed.] Ni musali *yo* fa, yazwa kwa Sellersburg, Na lumela, ki sibofu. Kana ku cwalo? Ku lukile.

226 Ni sepa foo cwale kufelile, mwa mukoloko wo, be Ni ziba cwale. Oh, eeni, ki *yo* fa mulikana ka yomunde, Busty Rogers, kwanu, yazwa kwa Milltown. Mi mwahala mukoloko cwalo, Ni sepa kuli babañwi ba bona ki baenyi kuna. Cwale, fo ki fapila Mulimu, kuya ka mo Ni zibela, ki baenyi ku na.

227 Cwale ha lu boneñi mwa sicaba. Cwale, mina—mina babali baenyi kuna, baba kula, munanule mazoho a mina, mi, mwa ziba, kana una ni kupo mwa pilu ya hao. Nanula lizoho la hao, kaufela ko uinzi. Ba ba ziba kuli Ni . . . Ku lukile. Kihona. Ki batu kaufela, bateni, kai ni kai.

228 Cwale, cwale, halina ku mi utwisa bumaswe, ki kulibelela fela fa nako nyana kamba zepeli fela. Ni bata ku mi buza puzo yebutokwa. Kihande ni tahe kwa mulaho kwanu, kuli mu ni utwe. Ni bata fela ku mi buza nto yeñwi. Cwale, Mañusa o Ni kutaza aa, kana mwa a lumela kuba a Niti? [Kopano ili, “Ameni.”—Mu.] Mina, luli, ne musike mwa taha kwanu haiba ha ku cwalo.

229 Cwale, kana Mulimu na ka eza sika se si cwalo kusina ku ni fa muhupulo wa sene Ni eza? Kaniti na si ke kuezwa cwalo. Kaniti, Na si ke kuezwa cwalo. Cwale, haiba U ezize cwalo . . .

230 Cwale, Ni ipapata kuli Jesu Krete ha si ka cinca. Lifu la hae ne li si ka Mu cinca; ne li Mu file kanya. Mi A zuha, ka lizazi la bulalu, ni kukambamela kwa Lihahimu. Mi A luma Moya o Kenile, onoli Mulimu, ki ona Moya o Kenile onoli ku Yena. Kana kaufela mwa lumela cwalo? Mi Jesu, foo ha Na li fa lifasi fa, Na ize, “Misebezi ye Ni eza, mu ka i eza ni mina. Fa nako nyana, mi *lifasi* halina ku Ni bona.” Yeo ki taelo ya lifasi, mwa ziba, ki keleke fela ye sa lumeli ni babañwi kaufela. “Habana ku Ni bona hape. Niteñi, mina mu ka Ni bona.” “Mina,” yeo ki Keleke, ki mulumeli. “Kakuli Na . . .” Na ki tulokandina twa mutu. “Ni kaba ni mina, mane mwahala mina, kuisa kwa mafelelezo a lifasi.” Mi Sigerike fani ki *mafelelezo*, ili kutalusa kuli, “mafelelezo a lifasi.” “Kuba ni mina kuisa kwa mafelelezo a lifasi. Mi misebezi ye Ni eza mu ka i eza ni mina.” Kana yeo ki Niti nji?

231 Cwale, luna ni ba Baptist, ba Methodist, Baipanguli, ni ba Katolika, mi—mi mane nihaiba Majuda, bateni mo kakusasana cwana. Mi luna ni Church of God, Nazarene, Pilgrim Holiness,

Jehova Witness, ona likopano ze shutana zani kaufela liyemezwi. Ni sweli kutalima kafa ni kafa, ku li talima. Ba Methodist, Lutheran, Mapentekota, mifuta yeshutana kaufela, sina ha Ni talima kwa ni kwa, kubona sicaba se Ni ziba. Mi kaufela bona ki baenyi babazwa kwande a tolopo. Ba ha Branham Tabernacle ki nto yenyinyani nyana, mo mwa—mwa muleneñi, kono i eza ku zwelela mwa lifasi.

²³² Cwale, ha lungeni fela se, mi munahane hande ka tokomelo, munahane, mubatisise, mube ka likute, mi mubuze puzo ye. Konakuli, haiba Ha si ka shwa, konakuli muezozo wa Hae ku mina mi kwa bakuli ku kaba fela nto yeswana ni kacenu sina mo ne kuinezi maabani. Konakuli Na ezize cwani mubonelo wa Hae maabani? Yoo, “Na kona, haiba mu lumela.” Kana ku cwalo? “Haiba mu lumela.”

²³³ Muuna ali, “Mulena, ulu utwele butuku.” Ali, “Mwana ka u mwabutata ni diabulosi. Ni mu tisize kwa balutiwa ba Hao, mi neba huwaka ni kubokolola, ni lika kaufela.”

²³⁴ Ki hali, “Na kona, haiba u lumela. Haiba u lumela, Na kona.”

²³⁵ Cwale mulemuhe. Kana Jesu na ezize cwani? Nali sikamañi Yena, maabani? Kana Na kutaza cwani? Cwale, se ki sa muenyi cwale, Ni bulela ku yena. Ha lu boneñi sa Na li sona, maabani. Mu ninge fela mwendi mizuzu yemilalu, luka bulela, libaka zepeli nyana.

²³⁶ Foo bulumiwa bwa Hae ha ne bu kalile pili, nekuna ni muuna alimuñwi wa libizo la Andreasi, muyambi, na sikuluhezi, a lumela ku Yena, mi ayo biza muzwale wa hae, ya bizwa Simoni. Mwa hupula cwalo? A mutisa ku Jesu. Na li muyambi wa sitimbi, mane na sa koni neba kunyatela libizo la hae. Mi ataha fapila Jesu. Mi Jesu amu talima, mi ali, “Libizo la hao ki wena Simoni. U mwana Jonasi.”

²³⁷ Ki babakai baba ziba kuli ao ki Mañolo? Ne ba ziba kuli yani neli yena Mesia, 'kakuli Yena . . . Mulimu na sepisize. Mushe na sepisize, kuli, foo Mesia ha ka taha, Ukaba Mupolofita. Kana ku cwalo? Mupolofita-Mesia. Mi A talima, mi ki Hali, “Libizo la hao ki wena Simoni.” Mi ali, “Bo ndataho ne ba bizwa Jonasi.” Mi ba ziba kuli yani neli yena Mesia.

²³⁸ Musali fa lisima, yani ki naha yeñwi ya batu. Cwale, ki Majuda fela ni Masamaria bene ba Mu amuhezi. Bamacaba, ne lu si ka taha kale mwateni, sikwata sa Ruti. Cwale, musali fa lisima, yanali Musamaria, na tahanga ku to ka mezi. Jesu naize, “Aku Ni fe kwa mezi.” Ki sikamañi sa Na ezize? Na ambola ku yena, inge fela mo ne Ni ambolela ni yomuñwi mwahala sicaba. Ali, “Aku Ni fe kwa mezi.” Neba si ka kopana kale fateni.

²³⁹ Mi ki hali, “Kiñi, ha ki swanelo, luna ni ketululo kwanu.” Inge mo ne babelanga kwa Mboela, kwa balikani ba luna babansu ni lika zeñwi, kono habana zona ni hanyinyani. Tumbo ibe ku Mulimu, ka seo. Kacwalo ki Hali . . . “Luna ni ketululo

kwanu. Kiñi, ha ki swanelo ku Wena. U Mujuda.” Jesu nali Mujuda. Na li Musamaria. Ali, “Ha ki swanelo kuli—kuli U ni kupe, na musali wa Musamaria, ze cwalo.”

240 Ki hali, “Kono, musali tuwe, kambe wa ziba Yo u ambola ni yena, no ka Ni kupa mezi.”

241 Sani sa tuhelisa musali yomunde yani. Mi musali atalima mwahalimu ni kubulela kuli, “Kiñi, Hauna sa ku kisa ka sona. Lisima li tungile.”

242 Ki hali, “Mezi wo Ni fa ki Bupilo bobusafeli.”

243 Mi mafelelezo A fumana butata bwa hae. Ki babakai baba ziba, baenyi, baba ziba boneli butata bwa hae? Nana ni baana ba ketalizoho. Kacwalo ki sikamañi sa Na bulezi ku yena? Ki hali, “Zamaya, u yo biza muuna hao mi mutahe kwanu.”

244 A Mu talima. Mi ali, “Hanina muuna nihaiba alimuñwi.”

245 Ki hali, “U bulezi hande, kakuli ubile ni ba ketalizoho, mi yena yo pila ni yena cwale ha ki muuna hao.”

246 Musali ali, “Muñaka, Ni lemuha kuli U Mupolofita. Cwale, lwa ziba, foo Mesia ha ka taha,” (Yani ki Jesu.) “foo Mesia ha ka taha, U ka lu bulelela litaba ze, 'kakuli lu ziba kuli Ukaba Mupolofita yani. Lwa ziba Mesia foo ha ka taha, Uka eza se. Kono ki Wena Mañi?”

Yena ali, “Kina Yena.”

247 Mi ku sani, musali amatela mwa munzi mi ali, “Amutahe, mutobona Muuna, Ya ni bulelezi ze Ni ezize: Kana Yo ha ki yena Mesia nji?”

248 Haiba sani neli sona sisupo sa Mesia maabani, mi Yena wa swana kacenu, ki nto yeswana ni kacenu. Cwale, kana mina baenyi mwa lumela cwalo? Cwale, zeo ki za mina mwa mukoloko *mo*.

249 Cwale, ku bona kwande koo, ki Liñolo li liliñwi fela, kacwalo kuli mube ni sa ku yema ku sona. Ki babakai baba lumela kuli Yena ki Muprisita Yomutuna cwale, ya kona ku swaliwa ka maikuto a matuku a luna? Kaufela luna . . . [Hakuna manzwi fa tepu—Mu.] . . . ? . . .

Ndate yakwa Lihahimu, Ya ni ziba, wa ziba, kuya ka mo Ni zibela, Nali kuba ni mubone muuna yoo. Cwale hakulata u ni boni mi hakulata Ni mu boni, kono haiba ku cwalo hakuna se Ni ziba ka zona. Kakuli, Ni bile kwa lifasi kaufela, linako, ku lapelela bakuli ni lika zeñwi, mi Na—Na kona ku mu katana kokuñwi, kamba ku mu bona, kamba nto yeñwi, Ha ni zibi. Kono nihakuli cwalo, Na—Na hakuna ze ni ziba ka yena. Yeo ki niti. Kana ku cwalo, muñaka? Ili kuli fela sicaba si zibe. Mwabona? Ku lukile. Cwale, muuna yani uyemi fa ka mulelo omuñwi. Cwale ukai mutangana yani yali muzumi, Efferson, kamba, ibe- . . . Ku lukile. Ni bata fela kuli abone. Ikai yani, uinezi kai Busty

Rogers? Yemi fela ona kafoo. Cwale fa, cwale Busty, wa ni ziba. Bo. Efferson, mwa ziba (Kana ku cwalo? Efferson? Eeni.), mwa ni ziba, ne lu zumile hamoho mwa Colorado, Ni—Ni muuna. [Hakuna manzwi fa tepu—Mu.]

²⁵⁰ . . . Muuna u katazwa ki ku ikalelwa. Bwani kona butata bwa hae; 'kakuli una ni sinya (Yeo ki niti.), u zuha busihu, ni zeñwi cwalo. U zwelela kwa Ohio. Mi u wa siemba sa keleke ya Muzwale Sullivan kamba kuyanga kwani. Ni bona Muzwale Sullivan ya yemi fa. U tile ni baha Kidds; bao kona bo tile ni bona. Yeo ki niti. Ku lukile, ka nako ye u ikutwa shutano cwale. Si ku siile. Cwale, wakona kuya kwa hae; tumelo ya hao i kufolisize. Cwale, Mulimu aku fuyole.

Cwale kana mwa lumela?

²⁵¹ Cwale ha Ni ku zibi, muñaka. Sifateho sa hao na si swanisa, kono cwale, kuya ka kuziba, Mulimu mwa Lihalimu wa ziba, Hakuna se ni ziba ka wena. Hani zibi se si fosahalile ku wena. Hani koni kuba ni mukwa wa kuziba se si fosahalile ku wena. Wena u mutu fela ya yemi foo. Mi una ni kadi ya tapelo, fa . . . neina ni nombolo fateni. Mi wena fela . . . Mushimani na kufile kadi yeo, mi no bizizwe fela kwanu mwa mukoloko wa tapelo.

²⁵² Cwale, mutalime fela mo li tahela. Mwa bona, ka yona nako iliñwi yani, sani si tata, sani si ezize zeñata hahulu kuna, nako yeñwi, kufita nako kaufela ye Ni bile ni kutaza kakusasana cwana. Sesiñwi sa utwahala. Mwabona? Sesiñwi sa utwahala.

²⁵³ Mucaha tuwe, ha u yo kwanu ka za hao. Utile kwanu bakeñisa mutu usili, mi yoo ki—ki mwana. Mi mwana ha yo mo; u mwa naha ye namile: Kansas. Una ni mioya ya mufuta inge wa kanono. Kanono kona mo kuinezi, kuna ni lififi fahalimwa mwana.

²⁵⁴ Mina mu swalisano yeñwi, kamba, mu . . . kwa Stricker. Kana mina kaufela ne mu si ka nyala likezeli, kamba nto yeñwi ye cwalo? Yeo ki niti. Kana wa lumela? Konakuli haana kuba ni mioya ni kamuta, haiba u lumela ka pilu ya hao kaufela. Sina ha u lumezi, ku be cwalo ku mwana. Uye cwale mi usike wa kakanya.

Cwale mu lumele ka pilu ya mina kaufela? Mina sicaba kaufela? Mu lapelele yomuñwi. Mulapele mi mutuhele Mulimu alumeleze.

²⁵⁵ Kalibe yani yainzi fani, inza lapelela ndatahe wamusali yani, una ni kansa; ona mwahali mwani. U lumele ka pilu ya hao kaufela, kwa mulaho kafoo, nji cwani? Ha ni ku zibi. Nali kuba ni ku bone fateni mwa bupilo bwaka. Kono foo ha u ni utwile inge ni bulelela muuna yani nto yeñwi ya na sweli kunahana, ka za muhabo yena, se si taha ku wena. Cwale, u lumele ka pilu ya hao kaufela?

²⁵⁶ Cwale, ki sikamañi sa sweli? Ni bata babañwi ba mina sicaba, mu ni bulelele sa sweli musali yani. Musali u liñokolwa ze mashumi amabeli kuzwa kuna na si ka ni swala, kono na sweli Muprisita Yomutuna yani. Mwa bona, Busty? Mwa bona, muñaka? Na sweli Krete. Krete utaha ku to ni bulelele sa na bata, cwale u fumani sa kupile.

Musali, ha Ni muzibi musali yo. Ki muenyi kuna. Kana ku cwalo? Lu baenyi. Nali kuba ni mubone fateni mwa bupilo bwaka kuya ka mo Ni zibela, kono Mulimu wa mu ziba. Haiba Mulimu wakona ku ni bulelele nto yeñwi ka wena sina mwa Na ezelize ku musali fa siliba, kupatulula sika se sili mwa pilu ya hao, kana u ka li amuhela, ni kulumela kuli halikoni kuba na, kakuba mutu, ya ku bulelele kuli, ikaba—ikaba Mulimu? No ka lumela cwalo?

²⁵⁷ (Cwale, kana ye ki yemibeli, kamba ki babakai ba se? Se lubile kale ni zetalu? Zepeli? Zepeli? Ku lukile. Ku lukile.)

²⁵⁸ Kalibe yo u apesizwe ki muluti wa lifu. Kuna ni muluti omunsu fahalimwa hae, ili mane una ni kansa. Yeo ki niti. Dokota u ku bulelele kuli ki kansa ya libuka. Yeo ki niti, nanula lizoho la hao. Wena uzwelela kwahule ni kwanu: Iowa. Wa lumela nji? Una ni, mwana mushimani, kamba, ki muikulu wa mushimani, mi una ni se si fosahalile mwa meto a hae, mi usweli wa mu lapelela. Kana wa lumela kuli Mulimu wakona ku ni bulelele yo uli yena? Musala bo. McKee, konakuli u kutele kwa lapa la hao, mi ube hande. Jesu Krete wa ku folisa.

Kana wa lumela ka lipilu ya hao kaufela cwale? Nali kuba ni mubone musali yo mwa bupilo bwaka. Sani si eza sikamañi?

²⁵⁹ Fa nako nyana fela. Likute, fa nako nyana fela. Ni sweli kutalima musali yomunsu kwa mulaho kwanu; mi Liseli lani, le mubona fa siswaniso sani, lisweli ku lepelela fahalimwa musali yani yainzi kwa mulaho kwani. Ni lumele kuba mupolofita wa Hae, kezeli. U lapelela muuna hao kwa siyemo sa lifu mwa Sipatela sa Veterans; seo KISONA SA BULELA MULENA. U lumele ka pilu ya hao kaufela cwale; uka ba hande.

Ki sikamañi sa na sweli? Ki yani musali, musali yomunsu, muuna wa mukuwa, inge musali fa lisima. Ki sikamañi sa na sweli? Yena Jesu yaswana. Ha ki musali ya swana, ki musali yomunsu, kamba, ki musali wa Musamaria; ki musali usili. Ha ki na Jesu, mutu ya swana; Ni mutu usili. Kono ki mulumeli ku Jesu Krete, sina musali mwa na inezi; mi Ni mulumeli ni mutanga Hae, ni Moya o swana o beleka mwa lizazi le. Krete ha si ka shwa, Wa pila. Nali kuba ni mubone fateni kamba ku mu ziba mwa bupilo bwaka. Cwale, mwa bona, ha mu lukeli kuba ni kadi ya tapelo kuli mube mo. Mube fela ni tumelo ku Mulimu. Kana ku cwalo?

²⁶⁰ Cwale Na mu ziba musali yani kwani, kono Na ziba za sweli ku lapelela: mwana yani. Wa lumela cwalo (kwa mboela), haiba uka lumela ka pilu ya hao kaufela, uka ba hande.

Kucwani he ka wena? Lu baenyi ku yomuñwi ni yomuñwi. Wena u mutangana fela. Nali kuba ni kubone fateni mwa bupilo bwaka. U lumela kuli Mulimu wakona ku ni bulelela butata bwa hao? Haiba Uka eza cwalo, kana si ka kutusa nji? Luli.

Cwale, fela, muzwelepili kulumela fande foo. Mwabona?

²⁶¹ Butata bu mwa mulala wa hao. No nani kozi ya mota. U zwelela kwa mutulo. U inezi kwa Bedford, Indiana. Yeo ki niti. Kana ki niti yeo nji? Konakuli wa—wa lumela kuli mulala wa hao ukaba hande? Sina ha u lumela, ku be cwalo ku wena. Ukute kwa lapa mi ufe Mulimu milumbeko. U foliswe.

U ikutwa cwani, muñaka? U lumela kuli Mulimu wakona ku ni patululela butata bwa hao? U katazwa ki—ki buino bwa kuikalelwa; bu ku tiselize ku ba ni butuku bwa mala, mafelelezo a lila, butata bwa mala kutatana. Wena luli u zwa kwa California. Yani ki niti. U lumela kuli Mulimu wa ziba yo uli yena? Bo. Murray? Ku lukile, ku felile cwale. Ukutele kwa ndu hao; u Mu lumele ka lipilu ya hao kaufela.

Kana lu baenyi ku yomuñwi ni yomuñwi? Ha ni ku zibi, mi Mulimu. . . Ha ni ku zibi mi ha u ni zibi. Lu baenyi, kana ku cwalo? Haiba Mulimu uka patulula kuna sesiñwi ka wena, kikuli uka ni lumela kuba mupolofita wa Hae?

Kikuli mina babañwi mu ka lumela? Ni . . . Se li ni sweli kuba ya fokola luli cwale, mwabona. Mulumele fela cwale. Na fela . . . Tozo iteni mo. Mwa ziba cwalo, nji cwani? Mwa—mwa ziba kuli ki—ki ze fa, mwabona. Moya o Kenile uteni mo cwale haiba ukona fela . . . Ni ba ya fokola hahulu Ha ni sa kona ku bona hande ni kamuta. Mwabona? Mina . . . Haiba taba iliñwi ne ezize Jesu kuli abe ya fokola, ki sikamañi se si ka eza ze supa kamba ze eiti, litaba ze lishumi fa, ze lubile ni zona, mo, mwahala sicaba? Fai fi kamba sikisi kamba sebene kwande kwanu kwa katala ni babalalu, kamba babane, kamba baketalizoho, kwande kwani. Mwabona? Si ni tisa fela fa sibaka fo Ni sa koni kubona mane. Kubonahala inge kuli nyangela kaufela ibonahala inge mabisi cwalo. Kambe fela ne mu ka lemuha kuli bwani ki kuhohana kwa Moya o Kenile o sweli kukena mwateni. Lani kona Liseli lani, kwani, inge usweli ku potoloha fahalimwa muyaho. Mwabona, Ki, U mi kenya mwa sibaka, kukena mwa sibaka.

Cwale, ka kuba kuli musali yo uyemi mo, ku mina mwa mukoloko wa litapelo cwale: Haiba Mulimu uka patulula (Fa, Ni nanula mazoho aka mwa halimu, Nali kuba ni mubone musali yo, hakuna se ni ziba ka yena.), haiba Mulimu uka patulula ka swanelo, mutuhele, sa ezize, kamba sa li sona, kamba, kihande, ki sika sesiñwi ka yena, kikuli mina kaufela mu ka lumela, kipeto, kuli yoo ki, Mulimu ya eza cwalo? Kana muka lumela

cwalo? Mi kana mwakona—kana mwakona ku amuhela? Kikuli muka lumela kuli muka pila cwale? Kana mwakona . . . ? Kakuli Ni ziba butata bwa mina, Ni ziba butata bwa mina, bwa mina, ha bu si ka patiwa. Mwa bona? Mulimu upatululanga lika zeo, kono haiba fela uka lumela.

Cwale, Ni ka taha ni to mi beya mazoho 'kakuli Ni ya ni fokola luli, ya fokola luli. Mi Na ziba fa nako nyana, kihande, Ha—Ha ni sa bona neba hanyinyani, mwabona.

²⁶² Cwale, u lumele ka pilu ya hao kaufela. Cwale muhupule, ha ki na. Mutu kaufela wa ziba cwalo. Ki Moya o Kenile. Uh-huh. Cwale, haiba Ni kona fela kuswala moya wa musali; yeo ki nto yeswana yana ezize Jesu. Kulika kuswala moya wa hae, Mi ali, “Aku Ni fe kwa mezi.”

Ki yo fa muuna ni musali, inge fela mo ne kuinezi kwani. Cwale, u musali yomunyinyani, u mwanana nyana ku Na. Cwale, hakulata, mwendi musali yo neli mwanana nyana ku Jesu. Nana ni lilimo ze mashumi amalalu ka zetalu za kupepwa; mi hakulata na si yo cwalo kono na li wa lilimo ze eitini kamba mashumi amabeli, neli fela musali yomunyinyani. Mi musali—musali—musali na sa zibi sa kubulela kono foo ha Na ambola ku yena Ki hali, “Aku Ni fe kwa mezi.”

Cwale Ndate na Mu lumile kuya kwa Samaria. Nali mwa musipili wa Hae kuliba kwa Jeriko, kono Aya kwa Samaria; fani neli fa lilundu. Kiñi ha Na ezize cwalo? Na bulezi kuli Na lukela kufita nzila yeo. Ndate na Mu lumile kwani. Kihande, Ataha fela ato ina fafasi, ni kuluma balutiwa mwa tolopo kunga sa kuca. Mi musizana yomunde yo ataha ku to ka mezi, mi Ndate na lukela kubulela kuli, “Na mu biza.”

Ki hali, “Musali, aku Ni fe kwa mezi.” Mi ngambolo ya kalisa. Cwale, kinto yeswana ni fa.

Kana no beile lizoho la hao fa koti yaka? Alimuñwi wa mina? Batili, muñaka. Mulimu mwa Lihalimu u ziba kuli Sesiñwi si ni sweli kanti, foo . . . Na hupula kuli neli Billy ya ni bulelela kuli ni funduke. Mwabona. Na—Na—mazoho aka, Mulimu uziba kuli yeo ki niti. Sesiñwi sa ni swala sina cwana mi Na hupula kuli neli Billy yana ni bulelela kuli, “Zamaya.” Mwabona, Na—foo ha mu ba sina cwana, ha mu zibi, ha mu zibi nako ya kutuhela kamba sa kueza. Mwa bona? U fa tuko fela ni wena muñi. Ne ni ambola sikamañi? Musali fa lisima.

Mi kipeto kasamulaho Amano fumana fo ne kuna ni butata bwa hae, mi ki Hali, “Zamaya, u yo biza muuna hao.”

Musali ali, “Hanina muuna.” Mi A mu bulelela, ali nana ni ba ketalizoho.

Kipeto ki hali, “Ni lemuha kuli U mupolofita. Ni ziba kuli foo Mesia ha ka taha, Uka lu bulelela litaba zee.”

Cwale kana yani ikaba yena Mesia yaswana kacenu, haiba Ni kona ku mi bulelela nto yeñwi, ye fosahalile? Haiba Mulimu ha ku tusi, u ka shwa. Una ni kansa. Cwale, wa lumela kuli Mulimu wa kona ku ni bulelela fo kuinzi kansa yeo? I mwa mba. U lumela kuli Mulimu wa ziba yo uli yena? Wa lumela kuli Mulimu wa ziba ko zwelela? U zwelela kwa Illinois. U—u libizo la kuli Misi. Johnson. Ukute mi upile. Jesu Krete aku eze hande. U lumele ka lipilu ya hao kaufela? Fela...? Tuhela a pile...? Kuna ni libaka le Ni ku bulelezi kuli upile.

Ndate mwa Lihalimu, ka Libizo la Mulena Jesu, Ni beya mazoho aka ku musali cwale; tozo ya Moya o Kenile iteni mo. Mu folise, Mulena, ka Libizo la Krete Jesu.

Mulimu Yomunde, ku muzwale wa luna yomunde, yo No pilisize bupilo bwa hae kwa mulaho kwani, ka Muyana, O Mulimu ya sishemo, taha ku yena cwale, foo Moya o Kenile ha u toza lipilu za luna. Na ziba muliko wa muzwale waka. Mu folise, Mulena, mi abe hande...?...

No nani butuku bwa pilu, una ni butuku bwa shuka mwa mali; Ni ziba kuli wa kula, niteñi, sani ki...?...

Ndata luna yakwa Lihalimu, muuna yo ki...?...u swanela ku Ku fumana kamba wa shwa. U tabela kuya mwa sipatela...?...Swalela libi za hae ni kufolisa mubili wa hae. Ka Libizo la Jesu Krete, mane ha pile. Zamaya kwa ndu, zamaya.

Ku lukile, fa, kaufela mina muikungele muzwale yo kwa lapa.

Mulimu waluna yomunde, ka Libizo la Jesu Krete, mazoho aka fahalimwa hae hanze kutaha tozo ya Moya o Kenile i sutelezi. Mutuhele sicaba si lemuhe. Mutuhele a foliswe.

Mulimu Ndate, sina ha Ni beya mazoho aka (mazoho aka, mubili waka ha u swaneli, kubola, kubola ni bumaswe; kono Moya o Kenile u ku na cwale), mane mata akona kulemuha mulelo wa pilu ku tokomela musali yo ni kufolisa mubili wa hae, ka Libizo la Jesu.

Mulimu Yomunde, ka kuziba muzwale waka ni buino bwa hae, ka kuziba kuli palo ye ika bulela...[Hakuna manzwi fa tepu—Mu.]

O Mulimu, ka mutangana yo, ya sweli kulwana ndwa yende ya tumelo, inza yemi Fapila Jehova-Jaire, ona Sitabelo sa iponezi Mulena, mane mata ana zusize Jesu mwa libita, a mu swale ona fa cwale. Mufe takazo ya pilu ya hae, ka Libizo la Jesu Krete. Amen.

²⁶³ Mulena Jesu, ku kezela ka Ni beya mazoho aka. Ka Libizo la Jesu Krete, mane meeto ao abe hande. Mane butuku bwa—bwa hae ha buzwe mwa mubili wa hae, ka Libizo la Jesu Krete. Amen.

²⁶⁴ Ndata luna yakwa Lihalimu, ku Kezela ka yomunyinyani Kidd, Ni lapela kuli U mu komele yena, ni ku mufa mata a hae mwa siyemo sa hae sa kale sina mo No ezelize ku Naomi. Mulena, mane ha i tususwe kwa kanya ya Hao. Lumeleza cwalo, Ndate, ka Libizo la Jesu Krete.

²⁶⁵ Kipeto ku Muzwale Kidd, Mulena, lifu lani la mu nata, kono Bupilo bwa mu kutisa. Mulimu, Ni lapela kuli U mu buluke ka kutiya. Sa fitelezi nako ya hae ye tomilwe. Kono ki Wena Mulimu, mi Uka eza se kwa kanya ya Hao sina ha No ni sepisize mwa sipatela. Cwale, mu mufe mata kwa bupaki. Mane bupaki bwa hae buzwe mwa naha ya Ohio, mwahala lifasi kaufela. [Hakuna manzwi fa tepu—Mu.]

Kuli Jesu wa ni folisa cwale.

Ni ka Mu nga ka Linzwi la Hae . . . 

60-1002 Muliululi Wa Lubasi
Branham Tabernacle
Jeffersonville, Indiana U.S.A.

LOZI

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buńata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org